

Harmonia, subsidia, nexus, et affinitas theorematum medicorum cum disciplinis altioribus demonstrata in solenni inauguratione doctorali a ... Petro Wilhelmo Josepho de Ginetti ... Joanne Wilhelmo Heis ... Matthia Josepho Meyer ... Francisco Stephano Schuirmann ... curante ... Joanne Georgio Menn / [Johann Georg Menn].

Contributors

Menn, Johann Georg, 1730 or 1731-1781.
Ginetti, Peter Wilhelm Joseph von.
Heis, Johann Wilhelm.
Meyer, Matthias Joseph.
Schuirmann, Franz Stephan.
Universität zu Köln.

Publication/Creation

[Coloniae] : Typis academicis, [1779]

Persistent URL

<https://wellcomecollection.org/works/q6sdd8g4>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

SUBSIDIA, NEXUS, ET AFFINITAS THEOREMATUM
MEDICORUM CUM DISCIPLINIS ALTIORIBUS
DEMONSTRATA
IN SOLENNI INAUGURATIONE
DOCTORALI
AD MOREM MAJORUM

Perillustri, Prænobilibus, Expertissimis, ac Celeberrimis Dominis
PETRO WILHELMO JOSEPHO DE GINETTI
 Monasterio-Eiffliaco, Anatomes, ac Institutionum Medicarum
 Professore publico ac ordinario,

JOANNE WILHELMO HEIS

Medicinæ Hippocraticæ Professore publico,

MATTHIA JOSEPHO MEYER

Praxeos Medicæ & Artis obstetriciæ Professore publico ac ordinario.

FRANCISCO STEPHANO SCHUIRMANN

Rei Herbariæ Officinalis Professore publico,

A G R I P P I N A T I B U S

MEDICINÆ LICENTIATIS

IN ALMA PONTIFICIA, ET CÆSAREA UNIVERSITATE UBIO-AGRIPPINENSI
CURATE

Celeberrimo, Expertissimo, Præstantissimoque Domino

JOANNE GEORGIO MENN

Medicinæ Doctore, Materiæ Medicæ ac Chemiæ Professore publico,
ordinario, primario, Collegii Professorum Medicorum Præside,
ac Promotore perpetuo, p. t. Decano.

Ad Diem XXII. Aprilis MDCCLXXIX.

T Y P I S A C A D E M I C I S



*REVERENDISSIME, MAGNIFICENTISSIME,
Perillustres, Generosi, Strenui, Amplissimi, Eximii,
Sapientissimi, Consultissimi, Clarissimi, Expertissimi,
Celeberrimi, Subtilissimi, Doctissimi, Plurimum
Reverendi, Religiosi, Ornatissimi perquam Eruditi
D., Dⁿⁱ o. O. Auditores splendidissimi,
Spectatores, Fautores honorandissimi.*



Augusta vobis Spectacula Aprilis exhibet, audiistis Festos Tubarum, Tympanorumque strepitus, videtis deposita hinc jacere ferta, & laureas, hos ipsos Palestræ hujus parietes, & subsellia quasi tripudiare, lætiùsque suo in amictu, & ornatu ridere conspicitis, ad pompam & plausum conspirant omnia, & quorsum hæc singula? Consistunt hinc, ut coram videtis, in hoc aditu laudis, in hoc gloriæ Theatro quatuor lectissimi, laudatissimique Pugiles, in omni certamine quovis periculo invicti, quos meritis decorare fertis Hygiene hodie aggreditur, meritis inquam; applausere enim iis non semel Vienne, Monspelien, Argentinensium, Duisburgensium, Marburgensium, Colonien, Universitates, Dussellani, & Bonnen, Medicorum Collegii Antistites, illosque ægerrimè suo è gremio avelli passi sunt. Et gestissent sanè medicæ Daphnide coronare hos Heroës, nisi nobis reservata fuissent hæc otia.

Nôrant illæ, quantum laborassent, quantum sudassent, imo quantum acerrimè de hyeme allassent, quantum frixissent tædiosos inter & nauseosos labores, æstuante tamen semper fervore; nôrant, quam avidè Regna, Provincias, & Flumina, Montes & Valles peragressent, dum profusissima Scientiæ Medicæ Regna percurrere, mille pericula, labores Herculeos exantlarunt; arduum quippe, difficile, herculeum opus est, pro rei dignitate in hoc studio versari; Etenim Ars Apollinea diversis circa idem objectum diversimodè versantibus scientiis tanquam membris tandem coalescit,

membra hæc primaria sunt: Physica, Historia naturalis, Matheſis, Anatomie, Phyſiologia, Pathologia, Semeologia, Therapæa, Materia medica, Chirurgia, Botanique, Chemia, Medicina forenſis, & non minima Theologiæ moralis, & naturalis pars.

Siquis velit omnes Studii medici anfractus, connexiones, & affinitates cum aliis altioribus diſciplinis pro rerum dignitate perſcrutari, inveniet Encyclopediam quandam inter omnes, ſine qua nulla in ſuis principiis, & eorum applicatione firma, certa, tuta, & ſtabilis exiſtere poteſt; id quanquam pro eâ, quæ vobis eſt perſpicaciâ abundè cognoscatis, lubens tamen mecum decrevit Neo-inaugurandus invictorum Herôum Quaternio, ut hæc horâ conciſis orationibus amicum & neceſſarium eſſe altiorum Scientiarum cum Medicinâ connubium palam evincat.

PRIMUS itaque Laureæ Doctoralis Candidatus longo ac felici Artis uſu jam Celeberrimus, exponat amiciffimum eſſe hitoriæ naturalis ac Matheſeos cum Medicinâ connubium.

Lubens ſubeo demandatam mihi Provinciâ; ſi de ullâ, quotquot dantur, Scientiarum & Artium dici poſſit, quod utile miſcendo dolci omne punctum tulerit, id certè de Historia naturali valet, quæ Naturæ Biblia, in qua ſive combinationes univerſales, aut diſpoſitiones ſingulares conſiderare, ſive pulchritudines, & venuſtates individuas examinare libuerit, omne, quod occurrit, arridet & inſtruit, plena hic omnia, elegante picturâ, exactiſſimâ proportionem, utilitate infinitâ, divinam teſtantur providentiam.

Singula, queis ambimur, corpora tam immenſæ molis, quàm minimæ, Elephas æquè ac exiliſſimum inſectum, vaſtiſſimæ molis arbores, quam minutiſſima mucoris planta, excelliſſima petra, quam arenæ mica veritates docent & inſtrunt; loquuntur omnia, ſermocinatur ſtructura, diſſerit exiſtendi ratio, & determinata eorum ad certos fines inclinatio clamat omnipotentem ſummi Conditoris bonitatem.

Divinum illud naturæ ſtadium id totum complectitur, quod halitu Altiffimi factum eſt, cœlum, metœra, aërem, terram, ignem, & aquam, ac quidquid in hiſce movetur, aut quieſcit, omnes globi habitabilis, hoſpites, aëris incolas, marium populum. Eſt ergo objectum Hiſtoriæ naturalis æquè latè patens, quam natura

tura ipsa, præbetque plurimarum tam Scientiarum, quàm Artium verum, ditissimumque promptuarium, è quo earum quælibet propriam sibi eligit, & eruit materiem, sub- & objecta colligit.

Scientias igitur omnes, & artes quodam ad historiam naturalem vinculo copulari palam est, cognitionis tamen hujus cum reliquis non æquè arctum esse vinculum, quàm cum Medicinâ me sufficienter demonstrâsse judico, si & ortum earum quasi simultaneum, infantiam, fata communia, modum crescendi, mutua suffragia, reciprocum utriusque ad alteram nexum breviter deduxero.

Historia docet, Medicinam communi cum reliquis Artibus & Scientiis fato, tenuissimâ pullulasse origine, illamque Græcorum, & Ægyptiorum fuisse simplicissimam; idem & Historiæ naturali obtigisse nemo dubitaverit, cui & prima hujus germina mecum prosequi non displicuerit.

Natura ab ipsâ sui creatione extitit omnium rerum sine culturâ fecundissima, omni creaturæ ubertim sufficiens mater, ut adeo primi hujus ævi homines omnibus abundantes, solos & simplices rerum creaturarum contemplatores, non observatores egisse videantur, donec & hominum, & animalium copiis liberali naturæ fecunditate multiplicatis, quod alma tellus sponte largiebatur, neo-populo minus suffecturum prævideretur, neglectique hucusque agri culturam exigèrent; ipsa nunc necessitas mortales cogere inchoabat, ad singula accuratius attendere, notare ea, ex quibus aliqua in universum posset redundare utilitas, rerum proprietates proximius rimari, earundemque multiplicandarum ordinem, & rationem observare, & (cum morbi, coætanea mortalibus flagella, sanitatem impugnarent acrius) remedia quærere, noxia à salubribus fecernere.

Cum vero nec rerum singulares proprietates, propagandi modum, & utilitates, nec remediorum vires, nec morborum naturam à priori nosse datum esset, plurima hinc fortuito solum casu, ex naturalibus instinctibus & eventibus haud prævisis discenda erant; fontes ex quibus & Medicina, & Historia naturalis communi commodo suas hauserunt aquas. Ita didicerunt homines aquam frigidam omnium potulentorum innocentissimum, exæstuanti corpori ingestam, pleuritidis & mortis causam fuisse.

Cairi incolis solâ experientiâ constitit, pestem eâ die desinere, quâ Nilus agros inundat.

Ita casus merè fortuitus docuit vim Scordii antisepticam, cum adverteretur, cada- vera militum in acie cæforum, quæ prope Scordium jacebant, minus longè pu- truisse, quam alia.

Vim Hellebori à Capris didicit Melampus. Ita vim graminis solventem in ob- structionibus viscerum, in calculis biliosis ex animalibus didicimus, quæ dum hyemali tempore sicco fœno in stabulis pascuntur, infarcta plerumque & calculosa lanionibus viscera exhibent; recente vero gramine liberis in pascuis nutrita, viscera sanissima recuperant. Quam in rem ingeniose Plinius pronuntiavit, dicens: *puden- dum rursus, omnia animalia, quæ sunt salutaria ipsis, nosse, præter hominem*, quin si huic Authori fides, etiam venæsectionem & clysmatum usum ab animalibus edoctos esse homines dicas; *ait enim Lib. VIII. Cap. 26.* Hippopotamus in quadam medendi parte etiam magister extitit, assidua namque satietate obesus, exit in Littus, re- centes arundinum cæsuras speculatus: atque ubi acutissimam vidit stirpem, impri- mens corpus, venam quandam in crure vulnerat, atque ita profluvio sanguinis morbidum alias corpus exonerat, & plagam limo rursus obducit. *Et Cap. 27. de* Ibide ave, quæ clysmatibus faciendis instituerit homines, sic habet: simile quid- dam & volucris in Ægypto monstravit, quæ vocatur Ibis: rostri aduncitate per eam partem se perluens, quâ reddi ciborum onera maximè salubre est.

Missis Plinianis, an non quotidie videmus, canes & feles, nimia colluvie, & indigestis alimentis oppleta ubi sentiunt viscera, per secessum & vomitum molestam illam saburram canini graminis esu excutere. Anates, & Anseres, quæ solida semina devorant, neque tamen firmissimum nactæ ventriculum, devorare lapillos, qui dentium vicario officio functi duriores cibum subigunt.

Sic Medicina ex calibus fortuitis, & instinctibus sua didicit, sic historia naturalis; quis enim leporem docuit canem minimum; non cornubus formidabilem cervum; pullos milvum; non pavonem timere; quis de animalium inimicitia, eorum vena- tionibus, bellis, cogitasset unquam? quis in vili glebâ aurum & metalla, quis in minimo feminis granulo totam latere plantam supposuisset, nisi casus fortuitò ob-
orti

orti id docuissent naturalis Historiæ amatorem? Quid in animalium Historiâ præter instinctuum sparsim observatorum, & collectorum descriptionem? imo si (quidquid de virtutibus, utilitatibus, & proprietatibus rerum in utraque amicarum historia naturali, & Medicina habetur) primam sui originem ex dictis fontibus hausisse dicerem, me non errasse judico.

At uti mens hominis in sphaerâ instinctuum (brutorum animalium forte) quiescere refugit, utpote quæ soli præsentì temporì prospicit, sed memor præteriti, conscia præsentis, ex comparatione notarum, futurum etiam attingere conatur. Ita nec medicina, nec historia naturalis angustis hisce cancellis conclusæ diutius hæerere poterant, sed campum floridiorem nactæ novæ culturæ flores legebant in experimentorum memoriâ, descriptionibus rudioribus observatorum, analogiis his superstruëtis, incisionibus vivorum animalium, cadaverum inspectionibus, & omnibus ambientibus penitus perspectis; accessit inde major utriusque perfectio quidem, sed vix ad Plinii, & Ptolomæi tempora provecta, quæ Septentrio agmina barbarorum in orbem cultiorem effundebat, qui scientias & artes deleverunt; feroces enim populi ignotas sibi disciplinas contemnentes, dissipabant scholas, inflammabant cum ipsis urbibus bibliothecas.

Infelici hoc ævo mortales de vitâ solliciti ad ornamenta sapientiæ desierunt aspirare, tunc præter gladium magni nihil, in eo sola, & una scientia.

Factum hinc, ut non librorum solum penuriâ, sed quietis, æmulationis, & exemplorum defectu ignorantia insurgeret in omni genere deterrima.

Sæculo nono Hispania, in quam artes humaniores confugerant, à Saracenis, Africanis subacta est, atque tunc quidem, partâ victoriis pace fruens gens alioquin ingeniosa paulatim libros Græcorum didicit evolvere: Arabice tunc loqui cœperunt Hippocrates, Aristoteles, Galenus; & gens universa circa annum millesimum ita literarum amore exarsit, ut in urbe Marocco conderetur schola insignis, publico sumptu alerentur studiosi, bibliotheca colligeretur, tantâ cupiditate, ut Rex ipse, & Pontifex lectionibus præsidere non haberet dedecori.

Tunc vero alioquin subtilis, & meditabunda Arabum gens, nimis subtilia Galeni systemata ita acuta reddidit, ut mentes hominum, rerum oblitæ, circa
meras

meras ideas versarentur, abstractosque conceptus. Interim spinosa hæc Arabum philosophia fimbrias suas in Italiam, Siciliam, Hispaniam, & Africam extendebat, scholæ ejus maxime in Regno Neapolitano, aliisque locis erectæ celebrabantur, dum cum medicina naturæ historia omnino neglecta languebat, & sic nobile hoc fororum par, quod sociali creverat augmento, sociali fato fere extinctum fuisset, nisi novi defensores Athletæ, nova lumina, Harvæus, Malpighius, Newton, Grevv, Læwenhoeck, Schwammerdam, & plures alii in auxilium insurrexissent.

Mirum, quantum fortunatim hujus sæculi initium studium historiæ naturalis, & medicinæ erexerit, formaverit, & condecoraverit; ab exoptato hocetempore vires unitæ academiæ, & societatum scientificarum. Reaumur, Linnæi, Buffonii, Boerhaavii, Listeri, Jussieu, Duhamelii, Swietenii, Halleri, & multorum aliorum Naturalistarum, & Medicorum illustrium, plurima eaque considerabilia detexerunt, & observarunt, de quibus ne quidem somniaverat antiquitas, quibus caruerant, modo ornantur medicina & historia naturalis; hæc epocha sub manibus scientificorum, celeberrimorumque virorum, plurimum perfectionis adepta chimia, à cujus ignibus multam lucem, & medicinæ, & historiæ naturali affulsisse certum est; chimia enim versatur circa analysin corporum, quorum proprietates describit historia naturalis; utilitates experitur Ars medica. Ut autem amicam utriusque connubium elucescat, quam intertextæ, & intermixtæ sint mutua earum auxilia, & necessitates reciprocæ, deducere conabor. Non vastum illud naturæ luxuriantis, & indefinitæ imperium perlustraturus, sed terna, quæ nos proxime ambiunt naturæ regna animale, vegetabile, & fossile, aquam additurus & aërem, omni possibili celeritate percursurus.

Quanta, & quam multa fertilissimum animalium regnum, medicinæ non suppeditat, & pluribus artibus commoda, & necessaria? quorum exactam notitiam pandit historia naturalis, è quâ singulæ artes, & scientiæ, quæ suæ sunt utilitatis, excerpunt. Sic historia naturalis, & vituperio & laude dignum, notissimum asinum, capram diversicolore, vivax, lascivum, vagabundum animal; vaccam œconomiæ campestris sulcrum describit.

Medicina lac asininum tenuitate , & saporis dulcedine ad humanum propius accedere ; caprinum proxime succedere ; spissius esse vaccinum , experta diversis usibus impendit. Illa Amphybium (in desertis maxime) sociabile, perquam industrium architectum , republicanum animal, Fibrum, mirosque ejus instinctus pingit ; hæc ex inguinibus deglubit amarum, nauseosum, foetidum , ad usus Medicos perquam utile castoreum.

Felium Zibethinarum agilitatem , venationem , habitationes & mores observat illa ; dum hæc ex speciali marsupio furripit pretiosum Zibethum.

Illa dat historiam Gazellarum , Antilopum, moschiferorum animalium, eorumque species distinguit ; hæc ex ventrali eorum vesiculâ odoratissimum moschum colligit.

Illa viperam, viviparam, venenato dente horridam noscere , & à minus nocente colubro oviparo distinguere docet ; hæc totam in medicamen convertit.

Cantharidum vesicantium prolixam illa tribuit descriptionem, & characteristicam à reliquis speciebus minus usualibus differentiam ; corpori humano applicatas mira præstare gaudet medicina.

Loricati millepedum insecti indolem & mores historiæ naturali debemus ; virtutes medicinæ. Illa Arteriotomæ hirudinis innocuam speciem pingendo, ab ea (cujus morsus venenum habet) utilissime dirimit, hanc creberrimo usu probatam varlis in morbis non sine fructu applicat medicina. Mirificam maxime solertis, & laboriosæ Apum reipublicæ œconomiam enarrat illa ; medicina laborum fructus, propolim, mel, & ceram seligit, suisque usibus accommodat.

Ultra limites propositos exspatiarer, si innumera, quæ huc recenseri possent, quæ ex historia naturali in medicinam emanant commoda, ultro prosequi vellem ; sed & sua illi ubertim reddidit medicina.

Manca certe fuisset naturæ historia, si Præsidem ejus, & Dominum, quæque ejus conservationem concernunt, non complecteretur, cum omnia propter hominem creata esse, credendum sit.

Magnum hoc, & utilissimum momentum medicina experiundo compilavit, eo-
que

que historiæ naturali complementum addidit. Quanta in animali regno, magnum illud & inevitabile artis medicæ fundamentum Anatomia, tam in hominibus, quam in brutis instituta non contulit? Hac enim duce excellens Medicorum par, alter Britaniæ decus æternum *Harvæus*, alter Italiæ ocellus *Malpighius*, totum hoc regnum quasi reformavit, dum primus præteritis latentem sæculis, sanguinis, & humorum circuitum anatomica & hominum, & animalium lustratione invictis demonstraret documentis. Hic, dum mira industria, Dedalæ Pulmonum, & viscerum structuræ ambages resolveret, liquorum semitas, & spirituum rivos solus fere indicaret; tacendo attentos subsecutorum anatomicorum labores, plurimosque in utramque amicam inde natos fructus, quarum messem recentiores, & historiæ naturalis, & medicinæ amatores speciali brachio colligant, mirantur, & usurpant.

En reciprocam in Zoologicis ambarum amicitiam & connubium. Quam innumera suæ classis, & prolis non offerunt amoena regni vegetabilis viridaria? dum materiam medicam diversarum virtutum radicibus, foliis, summitatibus, turionibus, floribus, seminibus saluberrimis exornant; nucleos, baccas, fructus, pulpas varias, & cortices porrigunt, ligna diversa, viscos, gummata, resinas & Plura alia divite copiæ cornu fundunt.

Hæc vegetabilium penus vitæ pabula, benigna medicamina, sed venena itidem præsentissima promit, quorum characteres sola docet historia naturalis: quis autem imperitus medicamina simplicia, bona à pravis, sincera & genuina ab adulteratis, factitiis, aut enervatis internoscere, imo vel etiam cavere poterit, ne ipsi quid pro quo exhibeatur?

Cicutæ, phellandrii, apii palustris, alliarumque umbellatarum acrimoniam intendi, in humidis dum crescunt; illarum econtra vim deleteriam in ficcioribus ita imminui, ut dulces planè evadant, & edules, quis nisi historiæ naturalis peritus didicerit.

Quæ alia scientia lethalem cicutam à salutari petroselino, à decantatis Hellebori radicibus exitiale Aconitum, aut urentem flavæ Iridis stirpem ab utilissimo Acoro distinguet?

Neglectui culturæ divini hujus studii, magna ex parte imputandum, quod indigena

gena pleraque nos lateant medicamina, eaque ad endemios nobis morbos ex remotissimis orbis plagis petere debeamus; cum tamen, ut quælibet Regio suos patitur morbos, ita & sua proferre remedia, constantem à sapientissimo Creatore Naturæ Analogiam rimantibus divinari liceat: videmus enim summam numinis providentiam pluribus Regionibus, ad suos morbos, suas non tantum dedisse plantas, verum & quodlibet anni tempus ejusdem etiam Regionis, eas producere, quæ morbis à tempestate mutata oriundis optime conveniunt. Sic Arctico Polo subjacentes pleræque Regiones scorbutum generant, & omnes fere quas habent Rupes, herba cochlearia intermixta, acetosa ornatas, si non obiectas gerunt. Lapponia Regio nec scorbutum, nec cochleariam novit. Meridionalis America intermittentium febrium omnium feracissima, maximum harum domitorem profert corticem, cui Peruviana Nomen dedit Regio. Aduſta Africæ Æthiopia inter alia Tamarindos fert, ut æſtuantia illa habitantes loca haberent, unde calore illo urente inflammati sanguinis fervorem compescerent. Noſtris in Regionibus ver herbas producit antiſcorbuticas potiſſimum, & ſaponaceas, ad tædioſæ hyemis languore lentos & inſpiſſatos humores ſolvendos; æſtas fructus fert antiphlogiſticos præcipue morbis calidis, & ex putredine oriundis nobis hoc tempore frequentibus oppoſitos; Autumnus præcipue herbas & fructus maturat aromatico-ſaponaceas, ut autumnale & hyemale frigus indeque metuendi pellerentur morbi.

Tertium minerale ſcilicet Regnum ſuccinctâ brevitate luſtrabo. Fœcunda quidem & in hoc regno natura, plurima tamen chemicâ egent Encheireſi, qua corporum interiora penetrari, decomponi, analizari, indeque proprietates & chemicæ & medicæ inveniri queant, ſuas tamen, & ex hoc utilitates promit medicina.

Ex argento Lunam hydragogam, igneum gehennæ lapidem &c. totum medicamentofum aperitivum, & roborans ferrum; refrigerans, exſiccans, repellens, & adſtringens Plumbum; antivenereum & antihelminticum Mercurium; antimonium, & ejus præparata, ſulphura, tincturas, & multa alia energica medicamina, quæ in applicatione cautelas, adeoque præciſam ſui notitiam exigunt ex unica Naturæ hiſtoria petendam, & exſpectandam.

Sed non acquievit in medicaminum deſcriptione ſola benigna naturæ hiſtoria,
B
largitur

largitur ultro eorum, sine quibus vita hominis subsistere nequit historias aëris, potulentorum & alimentorum.

Aër fluidum illud mobile, quod continuo respiramus, quo ambimur, uti chaos rerum omnium volatilium, quæ ex vegetabili, animali, fossilique regno jugiter exhalant, exhibet; ita naturæ nostræ interdum proficius non horum solum ratione, non raro quoque noxius, imo pestifer fieri potest. Sed & ipse non sat renovatus, non motus, corruptus nocet.

Quid sylvæ in Græciâ conflagratæ; in surinamensi colonia cæsæ & deletæ; in Guinea è contrario plantatæ ac cultæ; armatis in navibus, Nosocomiis ventilationes, aliisque in locis alii aëris qualitates mutandi modi, ad salubritatem contulerint ex naturali sola aëris historia depromi potest.

Alimentis quoque & potulentis carere non potest homo, ita enim factum est corpus humanum, ut propriis sese ipsum destrueret actionibus, nisi blando reficeretur nutrimento, dumque per motum ipsum, quo vita sustinetur, & viget, humores acres fiunt, & depravati, certam corpori ruinam inferrent, nisi blando potu acrimonia dilueretur.

Alimentorum abundantiam bina naturæ regna, animale & vegetabile, ubertim largiuntur usu comprobata. Nec in potulentis deficit natura, quorum vero noxas & commoda uti & creatarum, quotquot demum sunt, rerum hominem cingentium, eique sociarum naturam, & peculiare dotes, non mentis acutissimæ etiam speculationibus, neque luxuriantis ingenii viribus detegi, sed ex ipso naturæ libro solo, fidissimâ historiâ naturali magistrâ posse edisci, quilibet judicare poterit.

Solius naturæ librum evolvendo, hac sola ductrice, hujus indefessus cultor, immortale nostri ævi decus, & futurorum admiratio *Boerhaavius* exsuperavit omnes, & hanc premens viam, alios omnes, quotquot ante illum medicinæ operam dederunt unquam, longe post se reliquit, ita ut verus medicinæ reformator dici mereatur: huic enim viro, naturæ & historiæ naturalis verè studioso, imprimis debemus, quod vitæ & sanitatis naturam & causas perspiciamus, veras functionum rationes intelligamus, quod morborum veras notiones, medicaminum

minum vires insitas, verorum & efficacium notitiam, & à terribili ambagum labyrintho repurgatæ medicinæ facilem habeamus simplicitatem.

Historiæ itaque naturalis cum medicinâ non vanum speculatorium aut expetitum, sed amicum verum, necessarium, connubiale esse consortium me sufficienter demonstrasse confido, quod erat primum thematis resolvendi punctum.

Altera pensæ propositi pars demonstrandum exigit amicum medicinæ cum mathesi connubium; strictissimum illud esse, & indissolubile brevibus evincere contendam.

Universæ medicinæ scopus est, aut vitam conservare sanam, aut ægram pristinæ restituere salubritati; sanitatem igitur novisse eum oportet, qui recessum ab eâ, id est morbum indagare, perspicere cogitat & metiri; hunc Pathologia, illam exponit Physiologia, hæc solidissima quidem medicinæ fundamenta substernit, sed & sua ex aliis disciplinis (quarum proinde notitiam præviam requirit) mutuatur, ita præter exactam Anatomix scientiam, cognitæ supponit ex physicis generales & particulares corporum proprietates, leges motûs, gravitatis, attractionis, elasticitatis, inertix, electricitatis; fluida enim & solida nostri corporis uti generales aliorum corporum proprietates habent, ita iisdemque motûs legibus subjici palam est; Noscenda ergo omnia ea, & in medicina applicanda, quæ Physici de generalibus corporum attributis demonstrant. Quis intelliget arteriarum actiones, nisi noverit leges corporum elasticorum? quis phænomena in corpore humano obvia (à generalibus qualitatibus solis deducenda) sine prævia attributorum generalium notitiâ concipiet? oportere igitur physicam medicinæ non utiliter tantum, sed necessario jungi, imo ipsam medicinam potissima sui parte non esse nisi corporis humani physicam asserere audeo.

Præter physicam supponit & physiologia virium motricium diversa momenta ex mechanicis; plurimæ enim dantur in corpore nostro machinæ, quæ & mechanicis reguntur legibus, tota namque earum vis in eo, quem producunt motu, sita est, eumque secundum leges mechanices universales fieri videmus.

Fulcimenta & Columnas, toti corpori pedes extremi & tibiæ ossa; capiti & partibus annexis, spina dorsæ suppeditant; musculo glutæo trochanter major, iliaco

iliaco interno sinus offis ileum, tibiæ extensoribus patella, ossium articuli, ossa sesamoidea, olecrana, tot *Hypomochlia* præbent. Quotquot sunt ossa longa musculis longis appensa, *Pectes*; & quidem homodromos, ut masseter, aut heterodromos, ut Sterno-mastoideus & extensores genuum, exhibent. Dentes incisores in lineam scindentem, & canini in apicem terminati, dant *cuneos*. Annulus pro musculo superiore oculi, sinus sub hamulo pterygoideo pro circumflexo palati, ligamenta manuum & pedum annularia, pro tendinibus sub his coercitis, *Trochlearum* officio funguntur.

An non in homine omnes musculorum tendines veri *Funes*? dum id in corpore humano præstant, quod in mechanicis chordæ.

Ut *præla* agunt maxillæ incredibili vi sibi appressæ, cibos & præduros nucleos conterentes; diaphragma cum musculis abdominalibus, queis contra se mutuo agentibus, viscera abdominalia premuntur, pressione certè utili, qua sanguinis venosi reditus, Chyli iter, alvi & urinæ excretio, partus ipse promoventur.

Enumerata & plura alia in corpore instrumenta demonstrat anatome, demonstrat eadem horum firmitatem, situm, nexum, figuram, nullatenus autem proprietatem & usum. Soli Mechanici solum objectum hic agnoscunt, neque aliud in toto, quàm solidum est, corpore quidquam datur.

Illi ergo soli audiendi, horum effata solum consulenda, eorum principia solum imploranda, horum methodos solum adhibenda, ubi de effectu organi perspecti quæritur, sola erit firma, quæ à perito in his magistro profertur demonstratio.

Perspectas ultro supponit Physiologia leges fluidorum, seu stagnantium, seu per tubos fluentium, ex hydraulicis, hydrostaticis.

Illa Matheos pars, quæ generales omnium fluidorum proprietates considerat, Hydrostatica vocatur.

Uti adeò humores corporis nostri generalibus his gaudent proprietatibus, æque ac omnia alia fluida, aqua, vinum, spiritus vini &c. Ita quidquid de gravitate fluidorum, de minutie particularum, harum mobilitate, elasticitate, & figura dicit hydrostatica, id etiam de nostri corporis fluidis valebit; unde & ex hujus regulis attributa fluidorum nostrorum explicanda erunt & cognoscenda.

Hydrau-

Hydraulica illa scientia dicitur, quæ leges docet, fluidorumque per canales definitos motorum phœnomena explicat, sed fluida corporis nostri moventur per canales, & quidem determinatæ figuræ, est ergo corpus nostrum vera machina hydraulica, in qua non interrupto motu, maxima celeritate, in circulum eunt, redeuntque diversi humores, nec & sua ipsi defunt instrumenta, cor vera antlia sanguinem suis cavitatibus receptum, vi maxima per canales arteriosos projicit, ad dissitissimas partes, dum valvulæ cordis arteriarum æque ac venarum ejus regressum impediunt, hæ adeoque eundem prorsus in nostro corpore, quem in machinis hydraulicis usum præstant. Antliæ huic duplici bini appenduntur canales conici, elastici, inflexi, ita divisi, & subdivisi, ut demum præ tenuitate visus aciem fugiant, nec ulla vel minima corporis particula supersit, quæ non vecto ab his vitali liquido irrigetur. Quos descripsi canales, arterias esse, quilibet videt, quarum scientia cognitionem ferè totius corporis involvit; ex his nascuntur tubi cylindrici, arcti adeo, ut rubras cruoris sphaeras, tenuioribus tantum; & excoloribus sanguinis partibus admixtis, repellant.

En *cribra*, en *filtra*! eadem rursus arteriæ truncos, vasis lymphaticis ampliores, crassiores, rubrumque sanguinem sero liquidiori orbatum vehentes recto decursu porrigunt. Ecce venarum genuinam originem, quarum angustam primo cavitatem mox ampliavit affusa undique nova per laterales fistulas liquidi venosi, lymphaticiue moles; ut modo venæ, novo arterioso similem, eique ad vertices oppositum conum repræsentent, & novam antliam valvulosam, quæ sanguinem, & reliquos humores contra propriam eorum gravitatem, sursum movet, ventriculo cordis dextro reinfundendos.

Leges igitur staticæ, hydrostaticæ, hydraulicæ, & quidquid ad mechanicam pertinet, Medico scitu necessarias esse palam est. Nihilominus tamen hæc omnia sufficiunt, omnes enim hæc demonstrationes eo solum collimant, ut generales & communes omnibus fluidis proprietates, actiones & passionis exponant, non vero peculiare, quæ fluidis & solidis humanis tantum conveniunt; alio hinc experimentorum genere desuper imbutum esse Medicum oportet, quæ singulorum nostrorum humorum, & solidarum partium doceant indolem; specialibus enim gaudent proprietatibus, quæ aliis in fluidis non reperiuntur, adeoque ex generalibus fluidorum attributis repeti non possunt; quantum enim non differt sanguis ab omni alio fluido?

fluido? hic à Bile, Bilis à Lympha? &c. Hinc omnino præter generalia illa physicis iterum & chemicis experimentis opus est, per quæ peculiaria corporum attributa innotescant.

Demum Medicina supponit præcognitas Leges reflexionis, refractionis materiæ luminosæ ex catoptricis, dioptricis, & leges aëris sonori ex phonurgicis. Quis enim catoptricam & dioptricam ignorans luminis vias, refractiones, reflexiones, quis tot objectorum visibilium coloratos penicillos, disperforum collectiones, eorumque in retinâ picturas, quis visionem capiet, ejusque modificationes? non hæc oculus ipse, non simplex illa corneæ figura, non aqua, qua turgere oculum docet dissectio, non lentis crystallinæ, non vitrei humoris determinata superficies, non definita spissitudo docebunt.

Quid auris externi helices, quid meatûs Auditorii arctior & inflexa, in medio, latior ad utrum extremum via facit ad exceptionem & directionem Radii sonori? consideremus membranæ tympani tenuitatem, figuram ejus ellypticam, versus interiora ossis Petræ convexam, hujus mutabilem in varias curvaturæ figuras formam ope affixi suoque malleoli musculo agitati, quis effectus constantissimæ hujus tamque operosæ fabricæ? quæ Dedalei Labyrinthi, Conchæ, Vestibuli, duplicis in Cochlia turbinata spiræ, foraminis ovalis & rotundi, tot miraculorum Mechanicorum ratio & usus? sine profunda phonurgiæ scientia, sine Mechanica, sine soni natura, auditum nec capi, nec explicari posse, audacter affirmo.

Hæc autem vera esse & usum habere mathesin in medicinâ theoreticâ quisque fatebitur; parum tamen bonæ frugis practicæ asserre pervulgata objicitur querela.

Quæ quidem speciosa hac distinctione prolata, quomodo consistere queant, non video. Neque enim aliam hos intelligere theoriam credo, nisi eam, quæ ex proximis causis clarè docet, quæ sani hominis vita sit. Quod si, ut oportet, admititur, sequetur, scientiam hanc noscendis, curandisque morbis auxilia suppeditare optima. Causas enim, qui rectè novit perfectæ sanitatis, ille quoties hæc deficiunt, egregie ipsius defectus, id est morbi originem, rationemque comprehendet, qui autem causam ægritudinis proximam clarissime vidit, maximè is idoneus, qui ei occurrat, est habendus.

Eodem

Eodem scilicet modo se res habet ac in horologio, cujus, si deviat index, errores imperitus notare, at corrigere ex arte nemo potest, nisi ille, qui requisitæ structuræ gnarus, vitia partium, hinc & remedia invenit, ita nulla lucis scintilla in theoria medica micat, ad quam in facienda Medicina, facem accendere non possit rei peritus Artifex.

Adeoque qui Matheseos in speculatione utilitatem concedunt, illi ejus in usu præstantiam fateri debebunt, & necessarium, & amicum, quod demonstrandum erat, Matheseos cum Medicina connubium agnoscere.

Nitide, eleganter, magistraliter docuisti, Vir Perillustris, Expertissime, ac Celeberrime, toties victor, quoties in arenam descendisti; exposuisti adeo arctum & necessarium esse nexum Apollineam Artem inter & Mathesin, Historiamque naturalem, ut illa sine hujus ope tuta subsistere non possit.

SECUNDUS Dominus Laureæ Doctoralis Candidatus felicissimâ & luculentâ Praxi inclitus pro suâ, quâ pollet, facundiâ ostendat, necessariam esse cognitionem Veritatum Anatomicarum, Physiologicarum, & Medicarum in Jure naturali, civili, & criminali, præsertim in illis casibus, ubi intercedit dubius mentis & corporis status.

Jussa tua lætus exequor Vir præstantissime! Medicina, cujus Nobilitatem, Utilitatemque divinæ Inventioni consecravit Antiquitas, inter primævos Parentes nata, ab ipso dein Assyrio Rege Horo, Regibusque Ægyptiacis, ruditer licet, culta & exercita, posterioribus sæculis crescens, nostris tandem temporibus in evectum satis perfectionis gradum adolevit, semper & ubique necessaria, communi hominum Bono inserviens, sine quo & delicias, & immensa Bona, & ipsam vitam nonnisi odiosum quid molestumque esse clamat gembundus æger, inserviens inquam exoptatissimæ hominis sanitati.

Communem quietem, tranquillitatemque custodit Legum sacrosancta Majestas, quam, quis est tam projectus, ut non revereatur? non humano consilio latæ sunt leges, neque hominum autoritate sancitæ, sed æternæ divinæque mentis consilio ac potestate. Sine Legum Præsidio publica ac privata omnia occupabunt Rapinæ,
Sacri-

Sacrilegia, Cædes, Infidiæ, Stupra, Crudelitas, Furor. Sola enim Vis & Improbitas, sola Libido & Audacia debacchabitur ubique. Quare ii, quibus Legum Scientia & Authoritas est, Juris Sacerdotes, Patriæ Patres, Columna Reipublicæ meritò appellantur.

Adeoque Medicinæ & Jurisprudentiæ diversos utique fines esse, sanitatem videlicet, & tranquillitatem, clarè patet.

Fuit nihilominus ambas inter hæc scientias proxima semper Affinitas. Indissolubili vinculonectere voluit justitia filiam suam, ei Hygieiæ; hæ itaque ut sorores, mutuis amplexibus ad se invicem ruentes, casto veritatis osculo salutarunt se sæpissime. Nata hinc est *Medicina Forensis*, seu *Jurisprudentia Medica*, primò à Codronchio in methodo testificandi, sub finem Sæculi 16ti in systema redacta, dein à Paulo Zacchia Sæculo 17mo incrementa capiens, hæc vero ætate maxime exulta proflans.

Quod Affinitatis Schema Vobis, Spectatissimi A. A. hodie ob oculos ponam, dum Præstantissimus Dominus Promotor vult, ut ostendam *Necessitatem Veritatum Anatomicarum, Physiologicarum, in Jure naturali, civili, criminali, præsertim iis in casibus, ubi dubius intercedit mentis & corporis status.*

Hanc itaque necessitatem ostendam imò: *in Jure naturali*, quod à defuncto Consultissimo Domino, Civitatis hujus olim Syndico ab Hamm, cujus pios Manes venerantur adhuc & Universitas, & Respublica, in Prodromo suo ad Hugon. Grotium de Jure Belli & Pacis §. 121. definitur: *Ordinatio divinæ Sapientiæ, ut Auctoris Naturæ, per dictamen Synthesos homini quæ tali, manifestata, præcipiens ea, quæ Bono universali Naturæ sunt necessaria & debita, & prohibens contraria.* Contrariantur verò huic *Ordinationi* Homicidia, Suicidia, Sodomia, Onania. I. In casu Homicidii, Judices, antequam de pœna percussoribus infligenda decernant, solent Medicis ac Chirurgis committere curam, ut in cadavere occisi veram mortis causam inquirant. Hi facta Inquisitione in figuram & magnitudinem instrumenti vulnerantis; in situm vulnerati & vulnerantis, dum vulnus infligebatur; in symptomata omnia, quæ vulnus inflictum secuta sunt; in omnia ea, quæ vulnerato applicata fuerunt; denique in læsas corporis ex- & internas partes, tandem ex Ana-

tomes & Physiologices principiis renuntiant, an mors secuta adscribi debeat vulnere inflictio, ut causæ, an non. Pariter Medicus cruentationem cadaverum, ut fallax præsentis homicidæ indicium, judici tutò sistit, nam sanguis à cadavere occisi non ideo manat, quod præsens est occisor; neque cadaver occisi, si sanguinem fundit coram occisore, eum fundit per Antipathiam, aut propter spirituum inimicitias, aut propter reliquias animæ humanæ, aut propter imaginationem occisoris. Imo nec Deus, nec Diabolus hunc effectum ordinarie producit. Sed corpus cum vindicta mortuum & occisum, naturaliter sanguinem stillare potest, præsentem vel absente interfectore, etiam, quamvis raro fiat, si per hebdomadas quasdam affervetur. II. Suspensum in fune repertum, infontem aut suicidii reum declarabit probabilis conjectura Medici, totum circa corpus delicti apparatus, Cartilagines Laryngis, vim in constrictione funis adhibitam, scrupulosè indagantis. Ejus, qui mortuus suspensus est, collum, lividum illum circulum, quacunque arte indelebilem, nunquam exhibebit; nec vasa mesenterii, & intestinorum reperientur turgida, distenta, infarcta cruore. Quod in suspensis observavit *Acad. Scient. Paris.* item *Cl. Ant. de Haen.* III. In illud crimen, quod à scelestissimis hominum, naturam abutentibus, in masculos patratur, à legibus summo cum rigore animadvertitur. In ejus autem delicti examine, ut de veritate judex certior fiat, Medicos adhibet, qui ex intertrigine, inflammatione, procidentia, exulceratione, ficubus, fissuris, prægressum, repetitumque sodomiticum congressum colligunt, & ad judicem deferunt. IV. Pessundat onania sanitatem, conjugalem concordiam, propagationem speciei, adeoque directè lædit *ordinationem divinæ sapientiæ.* Et in hanc causam, ubi coram judice de impotentia conjugali virorum agitur, præprimis inquirat medicus; dumque detexit, summa cum difficultate sanabile esse hoc vitium, referet.

Transeō ad alteram argumenti partem, quæ demonstrandam continet necessitatem veritatum anatomicarum &c. *in jure civili.* Hujus juris species & exemplum est *Lex seu Præceptum universale & justum legitimi superioris subditis debite promulgatum, quo aut aliquid præcipitur aut vetatur.* Ego hic eas tantummodo leges proponendas habeo, quæ neque sine Medicorum consilio dari & stabiliri, neque sine horum judicio, si quis transgressus fuerit, administrari rite possunt. Ampla sane materia: etenim de ætatibus: peste: medicorum erroribus à lege puni-
bilibus: venenorum commercio: aëre, aquis, & locis: primogenitis: extractione

foetus è matre mortua: partu à morte patris: virginitate: imprægnatione occulta: graviditate simulata: partu supposito: politicâ puerperarum curâ: partu septimestri: superfœtatione: mola: monstris: hermaphroditis: morbis simulatis, & dissimulatis hîc agendum. Ex ordine paucis percurram singula. I. Quæstio in jure civili de ætate sæpe movetur, ratione variorum officiorum exercendorum v. g. quoad cessionem tutelæ; tum ratione privilegiorum, & testimoniorum. Hinc infans, quia mentis est inops, in jure furioso æquiparatur, adeoque ineptus ad quæcunque civilia negotia gerenda. Ob eandem causam puerorum actus, ab ipsorum voluntate pendentes e. g. testamentum, testimonium non valent, neque obligari illi ad rem aliquam queunt. Puberes, quos morum, vocis, corporis mutatio distinguit, integrum quidem, rudem tamen adhuc, & imperfectum rationis usum habent, egent hinc tutelâ. Juventus, ob robur & corporis & animi in hac ætate maximum, judicatur omnium officiorum capax. Senes, dum vigor corporis animique decrevit, variis gaudent prærogativis: mitius puniuntur, ab oneribus personalibus e. g. tutela eximuntur, ob infirmitatem. Ex eadem ratione ii, qui ex morbo aut sui natura ante tempus senescunt, senum quoque merentur privilegia, cum senilia patiantur incommoda. Decrepitas, licet ab Hippocrate non memorata, à senio discernenda, cessant enim in illâ & corporis & animi vires. II. Peste infectos à Magistratibus expelli posse ex civitate & loco, apud juris consultos extra dubium est. Medicorum vero est, pestem dignoscere. eandemque legem ad peste infectos applicabilem esse puto, quam Amplissimus Senatus Colonienfis A. 1628. in decretis & statutis concernentibus Medicos, Pharmacopæos, Chirurgos, Obstetrices, circa leprosos dedit. Lege octavâ ita scriptum est: *Leprosorum examinatio, quæ ante ducentos annos penes facultatem medicam fuit, & hætenus penes eandem stetit; eadem & in posterum penes eandem stabit, ut quos à lepra mundos censuerit, mundi, quos immundos judicabit, immundi conseantur, & habeantur.* Unde ad separandos à sanorum civium societate leprosos sapientissimo consilio exstructa fuit olim extra civitatem nostram habitatio, *Siech-Haus* dicta; & alia *Pest-Haus* nominata, pro peste infectis. Quam luem si Medici futuram præviderint, Legislatores, seu quoscunque Magistratus informare oportet, ut Hi communi civium salutem, vi legum opportunè prospiciant. Sic Hippocrates, solâ observatione in præsagiendo perspicacissimus, constitutionem Anni pestilentem,

lentem, valdeque populariter vulgatam, ex aëris statu austrino, calido, humido, nubilofo, & caliginoso prævisam, accuratè describit de morb. vulg. lib. 3. sect. 3. Præfente verò pestilenti constitutione, civitas ab immunditiis undequaque libera fervetur: mortuorum cadavera sepeliantur quam citissime, altè defodienda: supellectilia eorum, qui peste perierunt, venalia non exponantur, sed cremantur: corrigatur aër per vapores accensi nitri, pulveris pyrii, aceti, salis prunis inspersi, per ignem nutritum à lignis, ut Hippocrates vult, odoriferis. Exulet tristitia, hinc publicos musicorum concentus erigant superiores; permittant quoque honestas, sed & simul animum recreantes comœdias. III. Medicum, dum morbos celandos revelat, dum turpis lucri causa cum Pharmacopæis contrahit, dum ignorantibus facultatem concedit faciendi medicinam, à lege punibilem esse, justum est. Dum venena propinat, ut necet; dum abortum procurat, ut simulatam salvet virginitatem, poenam incurrit, à jure criminali dictandam. IV. Venenorum commercium interdiciant Magistratus mercatoribus sic dictis Materialistis. Permittere possunt Pharmacopæis utpote examinatis, approbatis, & juratis. Et his tamen Amplissimum nostrum Senatum circa venenorum commercium sacras injunxisse leges video in decretis supra allatis Lege 6ta. Ad venena jure refero, medicamina illa, quæ ad omne fere morborum genus, turpi schedulâ, publice sed protervè divulgatâ, laudantur. Quantum hæc in dosi, morbo, tempore debitis applicata profunt, tantum officient, dum sunt in libera manu rudis vulgî, jurantis in veritatem eorum, quæ execrabilis mentitur schedula. V. Integrum librum sapienter conscripsit Hippocrates de aëris, aquarum, locorum natura. Sæpe vero Medicorum judicium circa hæc à legum peritis exquiritur. Ratione enim salubritatis aëris, plaris æstimatur aliquod castrum, prædium, domus, aut fundus, quam alius. Exquiritur quoque, dum dubitatur, an bonarum aquarum penuria sit justa causa, non residendi in aliquo loco; Hippocratis vero auctoritate firmatum est, plures homines multo magis affici in mutatione locorum, ob aquarum, quam ob aëris qualitatem. Insuper urgente peste, ad Gubernatores pertinet de aquarum bonitate sollicitos esse. Plura circa aquas quaerit Jurisconsultus, à solis Medicis diluenda: quid v. g. pecudum appulsus, quid piscatio, quid vicinæ cloacæ, quid haustus aquæ, qui communissima ejus servitus est, operetur circa bonitatem. Ad loca nunc devenio, quæ incolunt homi-

nes; quorum humilia semper editis ac sublimibus posthabenda, ficiora salubriora, pejora lacustria. Illi, qui montana inhabitant loca, agiles, bene colorati, longævi observantur; dum è contra depressis & uliginosis locis viventes plurimis vexantur morbis, & lurido ac tristi vultu testantur insalubritatem loci, quem incolunt. Ill. L. B. van Swiet. Tom. 3. §. 1108. Unde & invenitur Scorbutus apud Britannos, Batavos, Suecos, Danos, Norvegos, Germanos septentrionales seu inferiores; attingit adeoque Boreales populos, & frigidiori sub climate viventes; atque inter hos maxime infestat vicinos mari, locis marina aqua submersis, lacubus, paludibus &c. Boerh. Aph. de cognosc. & cur. Morb. §. 1150. Plura de his videri possunt apud Hippocratem de aëre, aquis, & locis. In locis quoque ventorum & luminis rationem habere oportet; sic horum respectu prohiberi potest vicino, ne altius suum tollat ædificium, & cogi idem potest ad altius tollendum. Cæterum cloacæ, licet ad publicam utilitatem pertineant, quò capaciores sunt, tantò onerosiorem, & magis damnosam servitutem inferunt: aquæductus per humiditates, quas ædificiis communicant, molesti fieri possunt: horti exhalationibus venenatarum plantarum, stercoratione Galeno teste, irrigatione continuâ, vicinorum sanitati officere queunt: Pomaria solis impediunt illustrationem: Fornaces ad calcem excoquendam constructi evaporationibus à calce sublatis aërem inquinant: sterquilinia non permittenda, nisi extra habitata loca: exerceantur immundæ artes in locis seorsim ab aliis. VI. Non primo conceptus, sed primò in lucem editus, Prototocus est. Si Regina Galliæ, Maria Antonia, Archiducissa Austriæ, nuper Puerpera, gemellos gessisset Principes, & obiisset parturiens, tum vivacior Principum, per sectionem cæsaream eductorum, jure Delphinatus gaudere debuisset; vivaciorem enim, vi propria juvante, prius in lucem edi potuisse, probabile est. VII. Conservatio civis, Principis, privatae familiæ, & successio in bona matris, fecerunt legem numæ Pompilii in Dig. L. XI. Tit. 8. L. 12. mortuas prægnantes, ante excisionem foetus, sepeliri prohibentem. Patet hinc sectionis cæsareæ in matre mortua necessitas. VIII. Si mulier pariat mensibus aliquot à morte Mariti, & foetus perfectus quidem, at mortuus ostendatur, jurisconsultorum est, decernere, an mater succedere debeat in bonis defuncti Mariti; Medicorum vero, an foetus vivus prodierit; Hi, si secundinis inclusus, utero exierit, partum fuisse vitalem denunciant, modo testes fide dignissimi observaverint prius artuum motum.

tum. Ita P. Camper de sign. vitæ & mort. neo-natorum. pag. 38. si vero absque fecundinis, tum in pulmones communiter inquiritur, horum autem in aqua supernatio fallax dabit prægressæ respirationis, adeoque & vitæ indicium, cum aër mortui foetus pulmonibus insufflatus, hos quoque supernatare faciat. id. pag. 87. IX. Nubilem virginem declarat catameniorum eruptio. Dumque virginem se jactat mulier, inquisitio Medici detegit fraudem, qui virginitatem physicam definit: ubi nulla adhuc mentula, vel aliud petulans instrumentum claustra virginalia fregit. X. Manifestat imprægnationem, imprimis provectam, quam mulier de abortu & infanticidio procurando cogitans, occultat, motus foetus, à manu frigida, ventri dormientis imposita, excitatus. Excusabit vero judex errorem Medici, si graviditatem in asciticâ muliere non cognoverit; ejusmodi enim casus fefellit ipsum Illustrissimum virum, Swietenium, qui id in operibus suis publicè confitetur. XI. Sunt & dolosæ mulieres, quæ, ut partum mentiantur, gravidas se prædicant, eo fine, ut succedant in bona mariti defuncti. Simulatam vero graviditatem prodet Medicus circumspectus, imprimis obstetricans. XII. Partus suppositi non adeo certa signa sunt. XIII. Circa politicam puerperarum curam, prudenti lege *Havlemi* (quæ Hollandiæ Urbs est) cautum esse lego in Ill. L. B. V. Swiet. tom. 4. §. 1327. ne toto puerperii tempore quid fiat, quod necessariam puerperæ quietem turbare possit. Signum affigitur januæ domûs, in qua decumbit puerpera, quo viso, non licet lictori, apparitori, vel alii cuicunque justitiæ ministro, hanc domum ingredi. Tantam respublica curam habendam voluit mulieris, quæ patriæ civem dedit. Pulchrum certè & imitatione dignum exemplum. XIV. Partum septimestrem, vitalem esse ac legitimum, contra obstetricantem *Mauriceau* defendendum: *Fortunii* enim *Liceti* mater abortum passa fuit: recens natus non superabat palmæ manus magnitudinem. Pater medicus corpusculum fovit in furno tepido, simili fere artificio, ac Ægyptii ova tractare solent, ut absque incubatu gallinæ pulli excludantur; nutricem instruxit de modo alendi; sic conservavit filium, multis operibus eruditus postea clarum, octogesimum fere ætatis annum attingentem. id. ibid. §. 1309. Si ergo foetus tam pusillus educari potuerit, & ad talem pervenerit ætatem, multo magis id de septimestri partu sperari poterit. Interim constat septimestres plerumque debiles esse, & minoris molis; quare si qui inter jurisconsultos sint, qui septimo mense natos illegitimos

gitimos existiment, id, rogo, non pronuncient de omnibus, ne insonti, propter fontes, fiat injuria. XV. Ne de superfoetatione, molâ, monstris, hermaphroditis, morbis simulatis & dissimulatis verba faciam, vetat angustia temporis; neque permittit.

Ut in *Jure criminali*, tanquam in amplo hîc dicendi campo, longius excurram: sufficiant pauca, quæ lethalitatem vulnerum, quæstiones, carcerem, abortum vi procuratum, ac infanticidium concernunt: ac I. quidem lethalitatem inflictæ plagæ inevitabilem, vel accidentalem ad judices deferunt Medici, tum Anatomes & Physiologices principiis, tum experientiæ confidentes. Sic mesenterii vulnera pro absolute lethalibus, sine adjumento repetiti experimenti, habiti primò à Cl. Ruyschio, nunquam declarasset Physiologus; idem vero solius Anatomes ope, resolvit ilico; cur & homo & bos in eo loco, quo caput vertebri colli jungitur, profundè puncti, statim concidant, attoniti quasi, resoluti, exanimés. Rejicitur vero ab omnibus temporis intervallum, quod vulnus inflictum & mortem secutam intercessit, ut times lethalitatis; etenim arteria major, in brachio vel crure discissa, poterit paucarum horarum spatio, imo & citius, hominem è medio tollere, cum tamen hoc vulnus non absolute lethale sit; effusus è contra in Calvaria sanguis, non educendus, paucus, potest ibi per septimanas hæerere, tandem necare: & tale vulnus jure merito lethale renunciabitur. II. Ad quæstiones progredior: modus extorquendi veritatem delicti à reo, contumaciter negante, fit per *quæstiones*, quæ sunt *modus extraordinarius, mediante quo inquisitus admodum gravatus per varios cruciatus adigitur ad confessionem faciendam delicti ejus, quod ad minimum meretur penam corporis afflictivam.* Boehmer. *Introduct. in Jus Digest. Lib. 48. Tit. 18.* Sed generatim quidam torqueri prohibentur, ut gravidæ, puerperæ, lactantes, menstruatæ, infantes, decrepiti. Speciatim excipiuntur à tortura *scalæ* pubertati proximî, senes, capitis dolore constanter vexati, vertiginosi, epileptici, ad *Leipothymiam* dispositi, hydropici, obesi, morbis pectoris laborantes, angina, struma seu scrophulis, inflammatione tonsillarum, parotidum. A tortura Polletri (*Daumenstock*) Paronychia laborantes. III. Carcer est quædam tormenti species. Causa autem, cur quis in carcere detineatur, vel est civilis, vel criminalis: criminalis item vel est levis, vel gravis, vel gravissima. Eodem modo infirmitas, qua carceratus detineri potest,

potest, vel est levis, vel gravis, vel gravissima. Causâ carceris, & morbo affligente ritè comparatis ad se invicem, facile pronunciabit Medicus, an præsens infirmitas sufficiat ad carceratum excarcerandum; sufficit in levi causa, levis infirmitas; non sufficit levis in gravi. IV. Abortus primis mensibus factus, vix cognosci potest, ultimis facillime. Cumque in jure sententia habeatur, inanimati abortum affectatum, capitale haud involvere supplicium, sciendum est, foetum semper esse animatum, unanimiter omnes hodie sentire Medicos; quare dicta in jure corrumpit sententia. V. In casu infanticidii, cum supponi non possit, à matre aut alio quodam, aëreum pulmonibus foetus fuisse inflatum, camper p. 70. hinc vitam prægressam docebit, horum in aqua supernatio, quæ probatio eo erit efficacior, quo certius hodie constat, putridos etiam pulmones subsidere. Id. pag. 62,

An post integrum annum, ex solis ossibus foetus, putrefactis jam omnibus molibus partibus, patratum infanticium dijudicari & declarari potest? in novis actis physico-medici Academiæ Cæsareæ Leopoldino-Carolinæ naturæ curiosorum. Tom. I. pag. 297. lego Cl. Reinmannum, reperientem maculam fuscam atro rubentem in osse bregmatis per integrum annum sub terra defossi, pronunciantem, infantem trucidatum fuisse. Ipsius foeminæ occidentis confessio hujus viri sententiam confirmavit.

Sequitur denique ultimum argumenti punctum, proponendos exigens casus Medico-forenses, *ubi dubius intercedit mentis & corporis status*. Exemplum certe eorum, qui aquis submersi, mortui quasi extracti, jussu Legislatorum variis experimentis tentati, ad vitam tandem fuere revocati, satis superque docent, non difficile tantum, sed & impossibile plane esse, primis à vitalium motuum cessatione horis, statuere dissolutum mentis à corpore nexum. Unicum & infallibile certissimæ mortis indicium, foetor est, putredinis soboles, quo præsente, dubio non est locus. Ut in Lazaro, cujus cadaver jam foetens Christum miraculose ad vitam reduxisset testantur sacrae literæ. In Persia moris esse, adnotat Herodotus, mortuum non ante humare, quam aut ab alite, aut à cane trahatur. Sed neque Persarum morem, neque nostrum, si intra nycthemeri spatium cadavera sepeliamus, laudabilem esse, Magistratus, quibus & publica & privata subditorum salus cordi est, consentient omnes.

Et Tu Prænobilis, Expertissime ac Celeberrime Domine, spartam Tibi concreditam tam strenuè propugnasti, ut medicarum veritatum in jure dicundo necessitas extra omnem dubitationis aleam posita conspiciatur.

TERTIUS Dominus Laureâ Doctorali condecorandus Candidatus ostendat, utilissimum Chirurgiæ cum Medicina vinculum, & solvet Problemata:

Cum certum, & creberrimis experimentis demonstratum sit foetum post mortem matris vivere adhuc posse, vixisse, imo quandoque genitum fuisse, quæritur imò: Quænam matres mortuæ Sectione Cæsareâ aperiendæ, ut foetus saltem vitæ spiritali servetur si temporali servari non possit?

2dò: An omnes gravidæ defunctæ, quocunque graviditatis mense secandæ sint?

3tiò: Quænam, & quare cautela in hac operatione adhibendæ?

Ordo nunc jubet, ut de utilissimo Chirurgiæ cum Medicina nexu verba faciam, cui dein solutionem problematum subnectam. Illa Medicinæ pars, quæ de externis morbis agit, Chirurgia appellatur, hanc autem Medico utilissimam esse, docent imprimis morbi, qui quandoque in externis, quandoque in internis corporis partibus occurrunt. Si enim in externis partibus hæreant, sensibus omninò patent, & eorum natura facile indagari poterit; sic autem occasionem præbent medico eosdem in interno corpore latentes distinctius cognoscendi, & facilius curandi, eadem enim ubique est natura mali, eadem curatio. Manifestum hujus asserti exemplum est inflammatio, græcis phlegmone, quæ definitur, quod sit tumor præternaturalis, renitens, durus, ruber, calens, cum dolore punctorio, & febre plerumque comite; & cujus naturam constituit sanguinis rubri in minimis vasculis convergentibus stagnantis pressio, & attritus à motu reliqui sanguinis moti, & per febrim fortius acti. Causæ autem inflammationis sunt, quæ vel sanguinem nimis condensant, vel minimorum vasorum extremitates coarctant ita, ut per illas sanguis ultra transire non possit. Hæc ergo inflammatio, si externam corporis partem occupet, prædicta illa phænomena manifeste observari possunt: sic si dorsum manus v.g. igni admoveatur, incipiet oriri calor, deinde pars magis rubebit, si propius adhuc admoveatur, tumor fiet renitens cum dolore, &

& pulsûs robur & celeritas augebuntur in toto corpore, vel saltem in parte affectâ, hoc est, accedet febris topica vel universalis, quæ omnia augentur, prout increfcit malum; atque ex his signis intelligimus adesse inflammationem. Si jam homo sanissimus post vehementem motum toto corpore calefactus nudum pectus subito aëri frigidiori exposuerit, orietur inter costas dolor acutissimus, ad minimam inspirationem auctus cum febre fatis valida. Novimus in hoc casu magno calore & violento corporis motu dilatata vasa per subitum frigus succedens constringi, hinc sanguinem, cujus moleculæ prægresso motu & calore magis adunatæ redditæ in ultimis vasorum contractorum angustiiis immeabilem hæere; concurrere ergo binas præcipuas inflammationis causas, scilicet sanguinem nimis compactum, & vasa coarctata; observamus quoque dolorem illum acutum pectoris augeri, dum thorax in inspiratione dilatatur, sicuti dolor inflammatae manûs ad minimum ejus motum vehementer intenditur, febrim præterea fatis validam hunc morbum comitari, merito ergo concludimus, cum locus affectus inflammationi suscipiendi aptus sit, eandem hic præsentem esse, quamvis etiam nullus tumor vel rubor appareat, siquidem nimis profundè hæreat malum. Deinde exitus hujus morbi omnino iidem sunt, ac in aliis inflammationibus externarum corporis partium, vel enim à vita superstitè, & idoneis remediis adhibitis immeabilis materia in vasis obstructis hærens sic solvitur, vel vasa, in quibus hæret, sic disponuntur, ut transire possit illud immeabile in venas, vel retropelli in majora vasa, sic ut, manente integritate vasorum, liber restituatur per vasa antea impervia circuitus humorum, & concretum fluidum nunc solutum, humoribus circulantibus mistum, sine impedimento transire possit per illas angustias, quas secundum sanitatis leges pervadere debet, dicitur *Resolutio*. Vel obstruentes sanguinis moleculæ vasorum convergentium finibus adeo impactæ hærent, ut neque transprimi in venas, neque retropelli possint in latiore vasis locum; Sanguis ergo à tergo urgens, aucta per febrim comitem celeritate, singulis cordis ictibus pellitur in hunc locum obstructum, unde continua hac arctatione distenta ante locum obstructum tenerrima vasa divelluntur, & separantur à reliqua parte vasis, effusi ex rupto vase humores calore loci solvuntur, incipiuntque quasi subputrescere, abrupta minima vascula pariter atteruntur, dividuntur, & cum liquidis effusis abeunt in album homogeneous liquidum, attactu pingue, spissita-

dine fere lactis cremorem referens, pus dictum, vocatur hic exitus *Suppuratio*. Vel demum in vehementissimâ inflammatione omnis liquidorum motus in parte affecta suffocatur omnino, ruptis subito vasculis; Liquida ergo effluunt, quæ spontaneâ mutatione corrumpuntur, & quidem satis celeriter, cum magnus calor validæ inflammationis comes putredini producendæ faveat quam maximè. Incipit summa cuticula à subjecta cute recedere, & attolli in bullas ichore subrubello, vel flavâ tenui sanie plenas; splendens inflammatae partis rubedo mutatur in colorem cinereum, pallidum, fuscum, nigrum tandem; dolor, calor & pulsatio desinunt, & omnia phœnomena inflammationis abolentur, tertius est exitus inflammationis *Gangræna*; hæc ergo si inflammationem partis externæ sequatur, ex allatis his signis facile cognoscitur. Similia fere phœnomena observantur, si inflammatio partis internæ in Gangrænam transit, equidem mutatio coloris videri non poterit, reliquorum tamen symptomatum remissio sine bonis signis prægressis, & imprimis subita doloris cessatio funestum hunc morbi exitum declarant. Conveniunt itaque morbi phœnomena & exitus, siue internam, siue externam corporis partem afficiat, eadem est medendi methodus, resolutionem enim quæcunque pars inflammata fuerit, semper tentamus, sola diversitas pendet tantum à varia functione partium affectarum: sic in inflammatione diaphragmatis risus sardonius, in ventriculi inflammatione vomitus dolentissimus ab omni ingesto, & si cerebri membranæ affectæ sint, ferox & perpetuum delirium oriuntur, eodem modo in inflammatione manûs facilis digitorum motus impeditur. Plures sic morbos recensere possem ad confirmandam propositi veritatem, sed hic pro exemplo sufficiat, quod nullus veram morborum internorum ideam sibi formare, neque eosdem rite curare, nihilque in praxi medica proficere possit, qui plenam non habuerit morborum externorum cognitionem, adeoque utilissimum esse Chirurgiæ cum Medicina nexum.

His præmissis ad Problemata transeo, quorum tamen solutio necessario præsupponit cognitionem illius temporis, quando foetus in utero humano anima rationali informatur, ut inde firma regula haberi possit, quo scilicet, & an in omni mense graviditatis defunctam matrem secare oporteat, ad baptizandum foetum. Interim hoc valde abstrusum naturæ mysterium esse, nemo est, qui ignorabit,

bit, cum & præstantissimi nonnulli Philosophi in illo indagando animo & spe omnino defecerint, operæ ergo pretium videtur paucis examinare, quale tempus animationis veteres, quale recentiores, & quibuscum rationum fundamentis determinaverint.

Mitto autem illorum opinionem, qui animam nostram rationalem ex Adæ anima tanquam à stipite per semen, uti vites propagantur ex traduce, derivarunt, cum hodie constet, animas non educi, sed ex nihilo creari, incertum solummodo est tempus hujus creationis; itaque alii animas cum suis corporibus à mundi initio creatas, omnes ergo homunculos in Adami lumbis inclusos fuisse somniarunt, singulis homunculis minimorum vermiculorum instar alios intra se minores, & minores ordinatâ serie continentibus, & sicuti corporis partes in utero matris sensim explicantur, sic etiam animam cum suis partibus debito tempore emergere. Leibnizius ait: animas istas interea vitâ animali vivere, usque quo Deus illas ratione donaverit, quod *Transcreationem* vocat; Wolffius ait: illas manere in statu idearum confusarum. Sed merito nimis verminosam hanc sententiam dicit Zwingerius, eos vero, qui in illa defendenda laborarunt, vermiculoso conatu id fatagisse. Alii animam infundi crediderunt, dum formati jam & adauctis omnibus corporis partibus foetus nascitur & respirare incipit; eundem autem in utero matris hærentem neque internorum neque externorum sensuum usum, neque organa satis adhuc completa habere. Imo cum hi majorem, illi minorem organorum perfectionem requiri judicaverint ad hoc, ut anima omnes suas functiones debito modo exercere posset, quidam è Stoicis imprimis, eo usque tandem devenerunt, ut immiſsionem animæ rationalis ad pubertatem ipsam rejecerint. Verum hoc manifeste repugnat sacris litteris enarrantibus, Sanctum Joannem Baptistam adhuc semestrem exultasse in utero; quod evidens argumentum est, eundem tunc modo anima sanctificantis gratiæ capaci præditum fuisse.

Aristoteles autem, quam cum divo *Thoma*, omnes Scholaſtici inſequebantur, docuit, animæ immiſsionem fieri, quando jam omnes foetus partes distinctæ & conformatæ, licet ad nativitatem nondum satis perfectæ essent, hanc autem formationem & consequenter animationem *Aristoteles* ipse in maribus quadragesimo, in femellis octogesimo vel nonagesimo die, quidam ex Aristotelicis illam septuagesimo,

gesimo, sexagesimo, trigesimo die posuerunt. Foetus autem quem Aristoteles quadragesimo die formatum, magnitudine majorem tantum formicam æquare dicit, sine dubio paucos tantum dies non, vero quadraginta numeravit, etenim Cl. *Bianchi* triginta duorum admodum dierum embryonem vidit, de cujus ætate dubitari non poterat, fere ovo gallinaceo parem. Et Petrus *Gassendus* foetum memorat, qui dierum certo duodecim jam formatus erat à summo capite ad pedum digitos. Interim aliquis error calculi hic facillime intercedere poterit cum non omnes foetus eodem tempore perfectionem adipiscantur, neque semper mulieres initium graviditatis adeo accurate determinare valeant. Illam vero temporis differentiam, quo masculi & foemellæ formari dicuntur ab Aristotele, erroneam esse, experimenta in animalibus oviparis & viviparis, canibus, felibus, suibus, aliisque capta ad vivum demonstrant. Recentiores dein judicarunt ad animationem non requiri, ut foetus Aristotelico modo quoad omnes suas partes formatus jam sit, sed sufficere principalia tantum membra perfecta esse, quod vero ad tempus, quo dicta perfectio contingat, non convenit inter Authores; itaque alii die tertio, alii septimo, 15to alii, alii iterum à conceptione 25to die embryonis organa principalia formata, hincque animationem fieri statuunt.

Tandem Celeberrimus ille Medicus, & Juris-Consultus Romanus *Paulus Zacchias**) animam rationalem in primo instanti conceptionis infundi multiplici eruditione defendit, & hanc quidem sententiam ob plura, quibus nititur, rationum pondera communem omnium applausum mereri in sequentibus videbimus.

Extra uterum humanum in utroque ejus latere non secus ac in reliquis animalibus viviparis & oviparis situm est ovarium, quod cum eodem utero per tubam à fallopio inventore fallopianam dictam communicat, & minimis ovulis refertum invenitur. In tali autem ovulo, dummodo maturum sit, embryo cum omnibus suis membris licet admodum exiguis præexistit, quamvis obscure & solo microscopio videndus. Virile itaque semen per tubas fallopii ascendens, ovarium penetrat, maturum quod invenit ovum foecundat, sicque silentem embryonis vitam excitat, uti semen vegetabile, quod terræ commissum vegetare incipit, hoc est, in quo foecundo integra planta hærens sensim explicatur. Sic vivit equidem embryo ante
foecundatio-

*) *Pauli Zacchiae Quæst. Medico-Legal, Tom. 2. Lib. 9. Titul. 1. Quæst. ult.*

fœcundationem, sed silentem vitam, qualem semen vegetabile, suscepto vero femine virili partes ejus olim quodammodo in se ipsis involutæ evolvuntur. Fœcundatum dein ovulum ab ovario solutum, & liberum factum per tubas fallopianas ad uterum devolvitur, cujus tandem superficiei adhærens paulatim in debitam molem excrescit.

Ovulum ergo peractâ in ovario conceptione antequam ad uterum descendat, jam modo cum contento embryone incrementum auspicatur, certæ enim observationes docuerunt fœtum in ovario & tubâ fallop. mala fortunâ retentum in justam tamen molem crevisse. Interim increfcere & evolvi non poterit embryo sine corculo vi humores in vasa impellente, ergo à primo conceptionis momento, corculum fœtus adhuc pellucidum, minimum, inconspicuum salit, humores in vasa tenerima inconspicua propellit, hæc eadem dilatat, elongat, evolvit, ergo vivit embryo, ergo gaudet anima, quæ in homine non est, nisi rationalis. Et licet in initio in embryone nullæ actiones appareant, nisi vegetativæ, hæc tamen ab eadem animâ oriuntur, quæ progressu temporis, dum corpusculum magis organizatum est, in reliquis animalibus se simul sensitivam, in homine autem & sensitivam, & simul rationalem propriis actionibus se manifestat. Neque enim duæ vel tres animæ possent successive idem corpus informare manente eodem vivente, ut docuit Aristotelis systema, in quo abeunti animæ vegetativæ succederet sensitiva, & hæc tandem sublata anima rationalis homini infunderetur; etenim embryo humanus in hoc systemate compositus est ab initio ex corpusculo & animâ tantum vegetativâ, si ergo anima hæc auferretur, vel corrumpere ut Divus Thomas voluit, tolleretur illud compositum & embryo non maneret ultra embryo, sed embryonis cadaver, minimè ergo dispositum ad recipiendum novam animam, ipse enim embryo tunc reviviscere deberet, quod sine miraculo fieri non poterit. Sique etiam revivisceret embryo nova anima informatus, longè diversus tamen resurgeret ab illo, qui momento ante fuerat; præsentem enim anima vegetativa embryo ad summum planta vel fungus esset, accedente dein sensitiva fieret v. g. mulus, immixta rationali ex mulo tandem homo mirabili & hodie penitus exotica metamorphosi nasceretur. Præterea nulla causa assignari poterit, unde sensitiva illa anima, cui abeuns vegetativa locum fecit, ortum suum ducat. Jure ergo merito ab hoc systemate recta Philosophia abhorret.

His tandem Eruditissimus *Zacchias* argumentum addidit ex Conceptione B. M. V. desumptum, hujus enim Festum celebrat Catholica Ecclesia die 8vâ Dec. ex divinâ revelatione à Divo *Anselmo* probata, festum autem agere de primo animationis momento *Alexander VII.* declaravit; Embryo enim animâ rationali, imo & sensitiva orbatus, plantæ ergo species, festi objectum minimè esse posset. Cum itaque beatissima Virgo secundum antiquissimam traditionem nata fuerit 8vâ Sept. & nihil hic miraculosi intercefferit, sed naturaliter concepta, per novem, ut solet, menses utero humano inclusa, debito ergo tempore nata fuerit, statuendum omnino erit, & in omnibus hominibus secundum naturæ ordinem animationem fieri in ipso conceptionis momento.

Equidem objiciunt Adversarii, quod Leges tam canonicæ, quàm civiles distinguant foetum animatum ab inanimato. Sed primò leges hæ accommodatæ fuerunt communi opinioni Philosophorum & Medicorum, qui tum temporis fere omnes *Aristotelem* sequebantur. 2dò: major tamen semper pœna statuenda esset illi, qui abortum procuraverit foetus modo satis formati, quam qui tenerrimi embryonis vitam extinxerit: etenim primis temporibus abortus aliunde frequentiores, à levissimâ sæpe causâ orti, neque matri adeo insidiosi observantur, & foetus utplurimum mortui prodeunt; in provectiori autem graviditate ipsa prægnatio, quæ dubia ab initio apparebat, magis manifestatur, & vita matris tunc semper in abortu periclitatur. 3tiò: demum æquitas jubet, ut in dubio illo casu: an foetus dentur inanimati, nec ne, leges, ubi de pœnis agitur, mitiorem sententiam sequantur; ubi autem de Baptismo sermo est, potius probabilissima illa *Zacchie* opinio amplectatur, ne æterna parvulorum salus detrimentum patiatur.

Supereft: ut de sectione cæsareâ agam, quatenus scilicet hac operatione obtineri poterit, ut defuncta licet matre, foetus tamen adhuc vivus baptizari saltem possit. Etenim licet statim post mortem matris sectio institui debeat, ne foetus interea exspiret, non desperandum tamen erit, licet etiam notabile tempus effluxerit, cum plures foetus 2dâ, imo 3tia post obitum matris die vivi adhuc in utero reperti fuerint, quales casus legi possunt apud *Heisterum* *) & imprimis in absolutissimo *Cangiamilæ* opere. **) Expectandum tamen esse matris obitum, antequam

*) *Institut. Chirurg. p. 2.*

**) *Cangiamilæ Embriolog. Sac. Lib. 2. Cap. 5.*

antequam hæc periculosa operatio instituatur, nemo dubitat; cumque signa mortis, licet rarius, aliquando tamen fallant, & certissimum videlicet cadaverosaputrefactio exspectari non possit, prudentis Chirurgi erit, illam eâdem cum cautela instituere, acsi fieret in vivente, tunc enim vulnus lethale non erit. Itaque novaculâ, scalpello, vel alio apto instrumento, quodcunque ad manus erit, primo venter defunctæ matris in alterutro latere lineâ longâ simplici, dein & cautissimè, ne foetus lædatur, ipse uterus aperitur. Neque solum ultimis graviditatis mensibus, sed & quocunque alio, defunctam secare oportet ad baptizandum foetum; probabilissimum enim est, animam rationalem immediate post conceptionem infundi. Foetum Scarabæo non majorem viventem baptizavit Cel. obstetricans *de la Motte*. Embryonem vidit *Cangiamila* fere dierum sexdecim, vel paulo majorem extinctum quidem, sed qui antea motu se vivum exhibuerat, propterea sub conditione baptizatum. *) Alius magnitudine apis baptizatus legitur **) Ergo & primo graviditatis mense, si mulier consueta graviditatis incommoda patiatur, imprimis si similia jam olim experta fuerit, operatio tentanda erit, & Embryo sub conditione saltem baptizandus, dummodo prima ostendat humani corporis lineamenta, neque putredine corruptus inveniatur, sive motum exerceat, sive non; ille enim in tenello illo corpusculo adeo exiguus forte erit, ut à nobis percipi non possit; vel embryo ob matris obitum, aliasve causas vehementiori animi deliquio oppressus esse poterit. Innumeri credo, quotannis foetus vivi, vel cum defuncta matre sepeliuntur, vel per abortum exclusi in latrinas projiciuntur. Nunquid christiana charitas nos obligat opinionem illam probabilissimam amplecti, etsi etiam minus probabilis foret, cum æternæ homunculorum salutis adeo faveat. Verum quidem est, quod signa graviditatis primo mense valde dubia, imo & signa vitæ foetus aliquando & reliquis quoque mensibus sint incerta: præstat tamen, ait *HILDANUS*, *centum cadavera prægnantium frustra incidere, quam semel permittere, foetum vivum in utero materno tam misere perire atque suffocari. Hoc profecto esset crudelem atque inhumanum sese erga proximum exhibere, imo & justissimam iram divinam in genus humanum provocaret.*

Insueto

*) *Cangiamila Embr. Sac. Lib. I. Cap. 12.*

**) *Ibid.*

Insueto & magno labore congeffisti & oftendifti indiffolubilem Chirurgiæ & Medicinæ nexum , paucis multa dixifti, Prænobilis, Expertiffime, Celeberrime Domine, quæ tamen fufficiunt Parochis Theologis Curatis , ac Presbyteris, ne unquam de vita foetus nedum nati desperent, nec hallucinentur facile de conferendo Baptifmatis Sacramento humanis embryonibus , licet fenfibilia vitæ foetus figna non animadvertant, vitâ enim hæc tam obfcura & filens effe poteft, ut nullo in fenfus cadente effectû fe prodat.

QUARTUS Dominus Laureâ Doctorali infigniendus, ut fe præftet eadem Theologum Medicumque pugna, ac facræ huic Palladis ædi penfuum debitum perfolvat, demonftrabit: plura adhuc dari in Medicina Theoremata, quorum cognitio Parochis, Confeflariis, Theologisque & utiliffima, & fcitu neceffaria eft.

Medicinam legalem non minus in Ecclefiaftico, quàm in Naturali, Civili, Criminali Jure, judicem instruere , confilia & Refponfa Medica cum annexis facræ Rotæ Romanæ Decifionibus, à Paulo Zacchia edita, fatis probant. Plures etenim in confiftoriis deciduntur Quæftiones ex Medicina legali declarandæ. E. G. De impotentia, cujus ratione matrimonium diffolvendum rogatur. Ex parte maris inquirît hic Medicus in mentulæ defectum, paralyfin, fitum infolitum, phymofin, capiftrationem, tortuofam figuram , vitiofam perforationem; ex parte foeminæ examinat, num ulcera genitalium , arctitudo , coalitus , concretio nympharum, ac caruncularum myrtiformium, congreffum impedianr. Quænam ex hisce vitiis fanabilia aut infanabilia ars falutaris effe doceat, ita Medicus ecclefiafticum Judicem inftruit, ut hic divortium locum habere vel non habere pronunciare cogatur.

Non minus in materie de miraculis petitur à Medicis judicium, præprimis dum fanationes à morbis & infirmitatibus concernunt; quæ ut in miraculorum referri numerum queant, BENEDICTUS XIV. L. 4. C. 8. fequentes requirit conditiones : 1^{mo}: *Ut morbus fit gravis, & curatu vel impoffibilis, vel difficilis.* 2^{do}: *ut morbus, qui depellitur, non fit in ultima parte ftatus, ita ut non multo poft naturaliter ac per fe fe declinare morbus debeat.* 3^{to}: *ut aut nulla fuerint adhibita medicamenta, aut fi adhibita fint, ea non profuiffe, certum exploratumque fit.* 4^{to}: *ut fanatio instantanea fit,*

aut

aut certe tam exiguo temporis spatio contigerit, quo ex communi peritorum judicio contingere viribus naturæ non potuerit. 5to: ut sanatio absoluta, non manca & imperfecta sit. 6to: ut nulla notatu digna evacuatio aut crisis præcesserit. Quis autem alius singulas has à Summo Pontifice requisitas ad facta miraculosa condiciones dijudicare poterit, quam qui theoriâ atque experienciâ Medicâ satis instructus est. Idem, ille Pathologiæ suæ confidens, sanationem quandoque pro miraculo reputabit, licet in usum vocata fuerint medicamenta. Sic in novo Testamento sanationem illam cæci nati, miraculosam censebit omnis Medicus, licet CHRISTUS lutum è spuito fecerit, eoque cæci oculos liniverit.

Christianæ Reipublicæ maximoperè decens, ac laudabile consilium fuit illud à Summis Pontificibus, & à sacrosanctâ Tridentinâ Synodo confirmatum, & in inviolabilem obligationem injunctum, ut virgines, quæ castitatem Deo voverunt, & in Monasteriis Religionis vinculo obstrictæ commorantur, perpetuæ clausuræ votum emitterent, ut habetur in eodem Concilio Tridentino Sess. 25. C. 5. & in Bullis Summorum Pontificum, præcipuè verò Bonifacii VIII., Pii V. & Gregorii XIII. Licet postea, ut à Decreto illo absolverentur, plura obtinuerint sacrarum Virginum Monasteria, exstant tamen adhucdum clausurarum multæ, Papales sic appellatæ, à quibus, quæritur, an Moniales certis de causis exire possint: Ipsimet Pontifices à clausuræ obligatione absolvendas esse Moniales, dum Epidemia vigeret, decreverunt. Epidemiæ vero nomen accipi à Summis Pontificibus pro vera peste, facile demonstrari potest, quod in omnibus causis, propter quas permiserunt Monialibus exitum à clausura, præ oculis habuerunt commune totius Monasterii bonum, & universi coetûs ipsarum Monialium salutem, idcirco non simpliciter in qualibet Epidemia hanc permissionem voluerunt habere locum, sed tantum in maligna, maxime contagiosa, pestifera, in qua vel omnes, vel major ipsarum pars periclitari poterat. Posito nunc, id quod Adorandus Summus Dominus gratiose avertere velit, ejusmodi pestilentem grassari luem, alia à Medicis resolvenda nascitur quæstio: utrum præstet infectas, an sanas dimittere. Certè, si ad contagium respiciamus, potius infectæ quam sanæ sunt dimittendæ, non solum quia pauciores numero erunt infectæ quam sanæ, sed quia sanæ exeuntes ob aëris mutationem periclitarentur, & nihil boni ipsis infectis à sanarum exitu emanaret.

Si porro perpendam , quænam requirantur in recitandis officiis divinis , quæ item in Missa vel dicenda, vel audienda. Quinam morbi excusare possint à privata Divinorum recitatione. Quinam à publica in Choro facienda. Quinam, dum recitare officia divina non possunt, teneantur alium recitantem audire. Qui morbi Missæ dicendæ , quive audiendæ impedimento esse possint. Quænam præcepta medica in recitandis divinis officiis iis servanda sint , quibus recitatio ob aliquem morbum noxia quoquo modo esse posset, evidentissime fane video , decisivam Judicum Theologorum sententiam in multis casibus à Medici pronunciantis dependere arbitrio casto, prudenti, fundato.

Mihi vero hodie nihil cum Consistoriis , nihil cum Judicibus , aut superioribus Ecclesiasticis, nihil cum personis privatis Medicorum ratiocinium expectantibus agendum; sed placuit Præstantissimo Domino Promotori , id mihi injungere muneris , ut pro materie inaugurali publice ostendam, *Dari in Medicina plura Theoremata, quorum cognitio Theologis, præsertim iis, quibus animarum cura commissa vel committenda est, non tantum utilis, sed & necessaria sit.* Exigit ergo potestas Domini Dictatoris , atque auctoritas, ut hodie in confesso Eruditissimorum, ut plurimum Eximiorum Virorum, Reverendis Parochis ac Confessariis loquar, quibus omnibus animarum curam unicè cordi esse debere, munus, quo funguntur , postulat ipsum.

Accedite ergo primo loco Parochi , Venerabiles Viri! Benevolentiam vestram non denegate ei , qui ex firmis medicinæ principiis ad curam animarum, quas Vos in æternum felices reddere cupitis, contribuere quid posse , sibi persuadet:

CHRISTUS Salvator noster concipi, gestari, pari voluit à Fœmina, habente sua ovaria , tubas fallopianas , uterum , &c. In toto generationis sui negotio , ab ortu, figurâ, naturâ hominis differre non voluit , nisi quoad conceptum , quem in Christo Spiritus Sanctus, Patrum vero sperma in nobis operatum est. Quis autem crederet, Christum diebus aut septimanis aliquot à Conceptu , non fuisse animatum Christum, sed plantæ similem , aut machinam, aut informem carneam massam? --- Celebrat Ecclesia Catholica Beatissimæ Mariæ Virginis Conceptionem, intenditque de ejus formali Conceptione, hoc est de primo animationis instanti , festum agere, non de materiali, quæ sola, ut Theologi dicunt, non esset festi

festi ecclesiastici objectum. Solennitas cadit in octavum diem Decembris ex divina revelatione à Divo Anselmo examinata atque probata. Si ergo Nativitas Virginis contigit octavo Septembris, ut ex antiquissima Ecclesiæ traditione consentiunt omnes, sequitur Virginem, quæ novem mensium spatio in materno utero mansit, animam eodem conceptionis suæ corporeæ die accepisse. --- DEUM Patrem fabricasse è limo terræ Adamum, legimus in sacris literis; dies vero aut septimanas expectasse Creatorem, priusquam figuræ Adami insufflaverit spiritum, non legimus; sed humanam figuram ilicò à formatione, animâ vivificare voluisse, probabilissimum est. Inde deduco historiam generationis Christi, festum Conceptionis Beatissimæ Mariæ Virginis ab Ecclesia institutum, primique hominis ortum nobis persuadere ad credendum, verosimillimum saltem, si non certissimum esse, & nos sine anima rationali conceptos non esse. Quare Carissimi Domini Parochi! in casibus, ubi agitur de Baptismo & Abortu, aliter hodie sentiendum, ac plurimi hucusque senserunt.

Embryonem humanum considerare oportet ut natum, & nonnatum. Circa nonnatum, ita instruat obstetricem Parochus: si infans caput emisit, & periculum immineat, baptizetur in capite: nec postea, si omnino nascatur, erit iterum baptizandus. At, ubi aliud emisit membrum, quod vitalem indicet motum, in illo, si periculum impendeat, baptizetur: verum si totaliter deinde oriatur, erit sub conditione rebaptizandus, hoc modo: *Si non es baptizatus, ego te baptizo &c.* Si totus in utero fuerit, poteritque eum obstetrix in ipso manu incurvatâ, spongiâ, vel syphunculo abluere, baptizetur præmissa conditione: *si es capax &c.* Idem observetur, quamvis in eo statu sit adhuc secundinis circumvestitus, nec eæ dirumpi possint, vel non debeant; at si postea dirumpantur, erit iterum addita duplici conditione baptizandus: *si non es baptizatus, & es capax, ego te baptizo &c.* qui si postea caput ex utero vel aliud membrum emisit, baptizandus est denuo sub conditione: *si non es baptizatus &c.* Nati vero infantes, vel maturo vel immaturo partu sunt exclusi, illi vitæ signa exhibentes, simpliciter sunt baptizandi; sin autem omni externo motu privati, frigidi, quasi exanimes jaceant, cæterum integri, conditionatè baptizentur; potest enim vita minima adesse, post minuta aliquot, aut & longius intervallum in activam mutabilis; potest ob compressionem venarum jugularium à funiculo umbilicali, collo arcte satis circumducto, stupor

universalis adesse cum facie livida, obstetricis vero manu ac frictionis ope exeuſſibilis &c. Huc referenda quoque ſunt monſtra, quæ humanam ſpeciem non præ ſe ferunt, baptizanda ideo non ſunt: de quibus ſi dubium extiterit, ac tempus interrogandi Parochum, vel peritos, non ſuppetat, impoſita ſequenti conditione baptizanda ſunt: *ſi tu es homo, ego te baptizo* &c. De iis, quæ circa monſtra ratione Baptiſmi obſervanda ſint Parocho, & ab hoc edoctræ obſetrici, qui plura deſiderat, adeat is Embryologiam ſacram *Franciſci Emanuelis Cangiamila* Lib. 3. Cap. 9. pag. 313. Immaturo partu excluſi, ſive abortivi foetus duplicis ſunt ſpeciei, aliqui non ſolum primariis membris inſtructi, ſed toto etiam corpuſculo completi: aliqui non completi, nimirum ætate minores. Completi, ſi vitæ indicium motu præbent, ſimpliciter baptizentur; ſi vero motum non præ ſe ferunt, at nihilominus non ſunt corrupti, aut laceri, aut contuſi, quamvis lividi, ac ſine pulſu, reſpiratione, motu atque ſenſu, dubium eſt, utrum revera obierint, an non, hinc conditionatè baptizandi. Sæpe enim detectum fuit, eos propter abortûs violentiam in immane deliquium incidere, ita ut, quamvis re ipſa vivant, omnino tamen mortui appareant. De foetibus autem non completis, id eſt: ætate minoribus, cum probabiliſſimam, ut ſuperius dixi, licet non phylicam eorum vitæ certitudinem habeamus, hinc æquitas opinionem benigniorem, ipſiſque favorabilem pro baptiſmate conditionate miniſtrando, ſuadet eſſe amplectendam. Circa abortivos minimos hæc tenenda ſunt: foetus primorum dierum baptizandus eſt ſub conditione: *ſi es capax*, quamvis adhuc ſecundinis involutus, ne tempus abſumatur cum periculo ejus mortis, ubi aëri exponeretur: quæ conditio: *ſi es capax*, reſpicit æque tam dubium animationis & vitæ, quam dubium, ne baptiſmatis validitati obſtent ſecundinæ; quo factò aperiantur ſecundinæ ipſæ, & iterum baptizetur ille ſub duplici conditione: *ſi es capax, & ſi non es baptizatus* &c. Et hoc, ſive motus in eo obſervetur, ſive non. Inanimata vero corpora, ut Polypi uterini, excreſcentiæ, Hydatidum congeries, tumores, mola, & ejuſmodi abjiciantur. Per molam vero hic intelligi volo deformem maſſam, quæ ex congreſſu utriuſque ſexûs, loco foetus humani producta, omnino à naturali conceptu degenerat. Eſt enim & mola, quæ maſſam repræſentat ſanguinis rubri, valde compaſtam, nullo artificio ſolubilem; talis mola conceptus naturalis plerumque eſt, vid. Ill. L.B.v. Swieten §. 1326. & omnem attentionem circa collationem baptiſmi meretur.

Exigit eadem circa baptismum ministrandum debita zelosaque attentio, ut Parochus accersitus ad mulierem gravidam, jam eo præsente, aut & ante ejus adventum expirantem, ilico jubeat, sectionem cæsaream institui; quotâ adhuc ab obitu die secari queat mortua prægnans, sub dubia spe servandi aut salvificandi saltem foetum, quâque methodo, & quali cum cautela secare oporteat, exposuit jam in enucleatione sui Programmatiss Carissimus D. Collega Meyer.

Prudentissima illa Lex, Regum, Principumque jussu, atque auctoritate sancita, quâ præcipitur, aquis submersos extractosque omni possibili modo juvare, jam fere universalis facta est, cum varils felicibus Medicorum tentaminibus constet, ejusmodi infelicium multos rediisse quasi in vitam, alias futuras certissimas mortis victimas. Id ergo muneris incumbit Parocho; aut Clerico cuicunque transeunti aut vicino, ut conditionate Generalis Absolutionis participem faciat dubium hominem.

Ipsi etenim Medico signa dubiæ & certæ mortis, ante primi putrilaginis gradûs accessum, elicere difficile est. Præsentia, & antegressa viam quidem pandunt, licet non indubitata; sic si frigus universale; artuum rigor; defectus contractilitatis in Iride oculi ad adnotam candelam; amissus oculorum splendor; omnis motus, respirationis, pulsusque carentia præsto sint; & morbus præcesserit vel chronicus, vires carnesque pedetentim consumens, vel acutus, ad acmen per gradus ascendens; certa tum, sed nondum certissima mortis signa habebit; è contra, dum in artubus, oculis, horum Iride contrarium deprehendit, & homo sine morbo, aut in morbo subito decesserit, dubia. Discant hæc signa Parochi, adeoque eos monere liceat, ne in opere sepulturæ festinare velint.

Sacramentorum opportunè administrandorum respectu, non inutile quoque erit Pastori præprimis Rurali, Medico destituto, indicia nosse, unde mortem repentinam præfagire liceat. Horum aliquot ex Hippocrate hic adjiciam: *Qui crebro & vehementer citra manifestam causam, animo linquntur, repente moriuntur.* Lib.2. Aph.41. *Dolor in pectore fixus cum torpore malum denunciat, hi si suborta febre exæstuent, celeriter mortem oppetunt.* Prædict. Lib. 1. *Oris ventriculi dolor seniori crebro adveniens, repentinam mortem denunciat.* Coac. Præn. Mortis quoque in morbis propinquæ indicia, ex eodem sacro fine, perspecta sibi reddat Parochus. *Sic in febre non intermittente, si labrum aut supercilium, aut oculus, aut nasus pervertatur, si non videat,*

deat, si non audiat, imbecillo jam corpore, quicquid ex his evenerit, in propinquo mors est. Lib. 4. Aph. 49. Præter gravitatem (corporis) si ungues & digiti liveſcant, mors confeſſim exſpectanda eſt. Lib. Prænot. Lividus vomitus, ſi graviter olet, celerrimam mortem denunciat. Ibid. Letbale quoque, labra reſoluta, pendentia, frigida, & exalbida eſſe. Ibid. Medicis hiſce Prognosticis, ne quid circa animarum ſalutem negligatur, inſtructum quidem oportet eſſe Ruralem Parochum, non vero Medicinam ipſam facere permiſſum eſt. Si enim certum eſt, uti certiffimum (liceat mihi hic contra propriam artem quid proferre) nequaquam fieri poſſe, ut in omnibus ac ſingulis caſibus, qui ſe Medico inter medendum offerunt, ipſe à culpa ſit immunis, & ſi quælibet levis culpa ſufficiat ad inducendam irregularitatem, tum proſectò Clerici quicunque Medicinam exercere prohibeantur, etſi nonniſi innocua præſcribere prætendant, quæ tamen malè locata, nocentiſſima fieri queunt. Imò adeò cautè ad evitandam irregularitatem, agere oportet Parochum, ut ne pulvinar quidem debili ægrotanti ſubtrahere ſit ei permiſſum, etſi finis, quem intendit, laudabilis fuerit.

Nunc de iis morbis verba faciam, qui ex Medicorum ſententia prohibere debent, ne infirmis etiam de proximo morituris ſanctiſſimum Eucharistiæ Sacramentum miniſtretur: de jejuniis, cui infirmi maxime in periculo mortis poſiti non obſtringuntur, mentionem hic habere non eſt neceſſe: delirium perpetuum impedit Eucharistiæ Aſſumptionem; dilucida intervalla permittunt. In anginoſis affectibus, in quibus deglutire quicquam ſine ſuffocationis periculo æger non poteſt, in ſtrangulatione ab utero, ubi mulieres tanquam mortuæ quidem jacent, at nec loqui, nec quicquam deglutire poſſunt, licet audiant & percipiant, quicquid ab adſtantibus dicitur, & aliquando manibus ac nutibus ad interrogata reſpondeant; nullo tamen modo tutum eſt illis Sacramentum miniſtrare, facile enim à minima quaque re oblatâ ſtrangulantur. Tuſſis cum continuo vomitu, naufea, ſingultus, paſſio iliaca, cholera, lienteria, & affectio cœliaca jubent ſumma cum cautelâ procedere Parochum. Maniacos, Phreniticos, Convulſos, Epilepticos, licet hiſ in paroxyſmo Eucharistiæ Sacramentum porrigere non audeat Paſtor, ſæpiſſime tamen viſitet, ut enorme naturæ robur, naturalem morbi geniũ cognoscere diſcat, adeoque in caſu ſimulatæ obſeſſionis diabolicæ facile ſe decipi non patiatur.

Quas perſonas tempore jejunii, & quadrageſimæ ad abſtinentiam ab eſculentis

lentis stringere, quas absolvere possit Parochus, præprimis à gravidis, lactantibus, puerperis, senibus, valetudinariis consultus, ex medicæ artis theorematibus resolvat; quorum unum, ne prolixus sim, proponere liceat; & judicent ex Sacro-sanctæ Theologiæ principiis Eximii, quousque hoc ipsum, quod proponam, observantiæ legibus subjici & non subjici queat: *Senes Inediæ patientissimi sunt: mox homines constantis ætatis: nequaquam adolescentes: maximeque omnium pueri: atque omnino, qui id ætatis fuerint alacriores.* Hipp. Lib. 1. aph. 13. Idem divinus senex in sequente aphorismo statim subjungit sequentia: *Quæ corpora incrementis augefcunt, plurimum habent calidi nativi, proptereaque plurimo egent alimento, alioqui eorum corpus tabescit. Senibus vero parum caloris superest, quo fit, ut paucis fomitis contenti sint, nam copia extingueretur facile.* Si quis ad comprobanda hæc Hippocratica effata historias desideret, nonnullas ex Romanis commemorabo: Pomponium Atticum die quinto inediæ mortuum esse, legimus apud Cornelium Nepotem. Sextius autem Baculus, ut est apud Cæsarem de Bell. gall. L. 6. c. 38. Cum ita ægrotaret, ut diem jam quintum cibo caruisset, adeo à morte procul erat, ut arma caperet, hostesque arceret, quippe ætate eâ, ut non ita pridem munere functus esset primipili; Atticus vero septuaginta septem annos compleverat. Sic mirari non oportet, Suetonium, cum scripsit Tiberium cibo per quadriduum abstinuisse, non modo non adjecisse, quod noxæ quid inde retulerit, imo, ut confestim ostram descenderit, docuisse. Tiberius enim tunc erat maxime constanti ætate. Nec facile quis reperiet pueros infantesque istiusmodi jejunia sic tulisse. --- Ratione potulentorum velocissimam percipimus à Parocho resolutionem: *Liquidum non frangit jejunium.* Ego tria hic propono liquida: chocoletam, aquam vitæ, vinum. Chocoletam tanquam potum canonizare, est palliare abusum ejus assumptionis, ut id, quod ex sua natura cibus est, in jejuniis illicitus, licitum faciamus, & eorum voluptatem secundemus, qui hujusmodi potioni dediti sunt. Econtra cum chocoletæ effectus omnes sint de directo contrarii fini in jejuniis intento, qui est corpus macerare, carnis stimulos compescere, caloris effervescentis impetus obtundere, adeoque carnem subjugare spiritui, ut hic alacrior factus ad cœlestia elevetur: illa vero corporis vigorem adaugeat, carnis stimulos acuat, & caloris impetus sanguinemque excitet, hinc ex re eorum, qui jejunii leges integras servandas censent, esse putaverit quilibet Parochus, ab ejus usu in totum abstinere.

Neque inficiari possum, aquam vitæ effectus producere, sufficientes visos ad prohibendum ejus usum in jejuniis, cum, tametsi non nutriat partes solidas, nutriat tamen & augeat ipsos spiritus, ita ut hi subjugentur carni. Quid nunc de usu vini in cœna copiosius sumendi, sentiendum sit, iis decernendum relinquo, quibus vim vini domantem, aut excitantem spiritus, scire & experiri in proprio corpore datum est.

Ad Confessarios me converto, quorum scire interfit promptam luis venereæ per concubitum propagationem. Confitetur e. g. Maritus se rem habuisse cum alia. Quærat tum Confessarius, num quid morbofi sibi inde contraxisse putet pœnitens; sin annuat, jubeat, ut utatur Medico; simulque interdicat ei congressum cum uxore, donec nil contagiosi subesse pronunciaverit Medicus; ne execrabile, quo pœnitens forte laborat, malum propagetur in infontem conjugem.

Ne honesta & pia Virgo in lamentabiles angustias conscientiæ de se puræ compellatur, acquirat sibi Confessarius notitiam fluoris albi mulierum, ne castæ puellæ ex naturali corporis irritabilitate tentatæ affligat pollutionum crimen. Signa autem albi fluoris apud Medicos hæc sunt: quibusdam continuo exstillat ex utero humor lentus, tenax, albicans, inodorus, alias acer, alias blandus. Aliæ vero talem humorem tantum eo tempore advertunt, ubi sanguis menstruus debuisset prodire. Fluxus tunc sat copiosus per 5. 6. 7. 8. 9. dies & quandoque diutius durat, postea iterum desinit. Sanguis autem nullus prodit, aut striæ tantum sanguineæ mucosæ comparant. Si ex hisce signis morbum, non peccatum detexerit Confessarius, tum ejus muneris erit, non solummodo innocentem declarare virginem, sed & consulere, ne nubat, antequam à fluore albo integrè fuerit sanata; nubentes enim proclives sunt ad abortiendum secundo tertiove gestationis mense.

Sanus conjux exigere non potest debitum à conjuge non sanæ mentis, quia securi nequaquam esse possumus, an nascitura proles magis sano quam infirmo conjugi in valetudine similis futura sit: quinimo contra justus & rationabilis timor irrepit potius contrarii eventus, nempe ut morbofo similior sit futura, quia plerumque parentes morbofi, nempe altero ex parentibus existente morbofo, potius morbosam prolem generare, quam sani sanam consueverunt; ut ex Hippocratis

auctoritate patet in Lib. de genitura. Quod quidem maxime locum habet in ægritudinibus cerebri, quæ omnes, cum insignes fuerint, solent esse hæreditariæ. Reliqua circa hanc materiem, quænam videlicet virum à redditione debiti excusare possint ex parte sui; quænam uxorem à debito reddendo excusent ex parte sui; quænam vel alterum vel utrumque conjugem prohibeant exigere, omnia hæc evolvi dilucidissimè possunt ex incomparabili opere *Pauli Zacchie*, inscripto: *Quæstiones Medico-legales*, qui liber unà cum *Embryologia sacra Francisci Emanuel Cangiamila* omnibus Theologis, quibus animarum cura commissa vel committenda est, ita necessarius est, ut dogmatum horum virorum ignaros, errare putaveritis, qui vel primis labris hæc ipsa gustaverit; quare videant Eximii, num ea, quæ protuli, digna sint, ut in Examine Synodali impofterum proponantur.

Facunde, scite, terlissime argumenta, & quæstiones vobis propositas exhaustis, solvistis problemata, iliadem nuce complexi estis viri Egregii, Perillustres, Prænobiles, Expertissimi, ac Celeberrimi, adeoque ex amplitudine, difficultate, multitudine, nexu variarum disciplinarum demonstrastis, vos Medicâ Doctorali Daphnide dignissimos, & jus vobis vindicastis insignia Doctoralia capeffendi; unum adhuc post tot gesta superest, quod ad Universitatis hujus antiquissimæ Leges præstetis; cum præter studiorum Communionem specialiori adhuc, eoque sanctiori Nomine cum hac *Academiâ Catholicâ* estis conjuncti, peculiare onus, sed leve jugum, sed suave in vos suscipiatis, fidemque veram Romano-Catholicam ad Normam à Sstâ. Synodo Tridentina traditam & præscriptam hîc publice profitendo, & vi jurisjurandi confirmando.

Aliud adhuc præceptum ab hujate Universitate vobis impositum, vi cujus perpetuam à vobis erga se Reverentiam & Obedientiam exigit, Religiose servetis, Academici proinde Sceptri apicem attingite, & jurate, quæ Nobilis & Doctissimus Dnus. *Academiæ hujus Secretarius* specialiter à nobis ad id officii rogatus præleget.

Vos ergo adimplevistis, quidquid longo jam more receptum, quidquid ad consequendam Doctoratûs Lauream necessarium est; Ego proinde quoque, ne actum, vestraque morer desideria, meis è partibus nihil deesse patiar.

Adeste ergo Nobilissimi Pugiles, appropinquate mihi, aut potius vestræ appropinquate gloriæ, inferiora, quæ modo occupâstis, subsellia linquite, altiora scandite, eaque meritis vestris aptiora.

Sedete tantillum mecum, & docete singuli sequelas, conclusiones, & Corollaria ex Doctissimis, solidissimis, utilissimisque Orationibus inauguralibus vestris sponte fluentia.

Nitide, Splendide, Laconicè, Doctoraliter è sublimiori Cathedrâ docuistis confectaria, & conclusiones ex utilissimis & facundissimis sermonibus vestris deductas, Cathedræ hujus legitimam possessionem nacti estis Perspicacissimi, & Exercitatissimi Heroës invicti Dni. Professores publici respectivè ordinarii Epomide induti Medicinæ Licentiati, jam dudum more majorum creati per Perillustrem ac Reverendissimum Dominum L. B. MAXIMILIANUM DE GEYR in Schweppenbourg J. U. D. Ecclesiarum Metropolitanæ Colonienfis, & Cathedralis Leodiensis Canonicum Capitularem, Abbatem sæcularem in Vifet, almæ hujus Universitatis Procancellarium, cui communi animo, voce, ac suffragio grates, neque has unquam intermorituras pro suâ hâc benevolentia, ac facilitate rependimus, pie simul, Christianeque vovemus, ut quò nostræ gratitudini, gratæque voluntati occasio prolongetur, renovetur sicut Aquilæ, juvenus ejus.

Per EPOMIDEM hanc humeris vestris instratam colla oneri, neque huic adeo levî supposuistis;

Omnia ferre volunt humeri, nil ferre recusant
Vestri, sic illis gloria parta venit.

GALERUS nunc vestros exornet vertices, rotundus hic est, hinc totum orbem respicit, ea ratione credere poteritis Doctrinæ vestræ famam ad omnes orbis partes deportatum iri.

Sol oriens, moriens, septentrio discat, & Auster,
Quam fortes Medicâ fitis in arte viri.

LIBRUM jam capite clausum, in Medico enim diffusissimo Librorum apparatu, & Luxurie mirificâ gaudetis Eruditione litterariâ, lectissimorumque omnium notitiam propriam vobis fecistis, scitis.

Primorum monumenta Patrum, Mediæ acta senectæ
Et nova, quæ methodo, sæcla dedere novâ.

Nunc & apertum accipite, scio enim, vestra industria clausos diu Libros non patitur, sic è lectissimis, probatissimisque, quos impigra semper manu teritis, volvitisque Authoribus, majorem pergetis scientiam eruere. . . .

ANNULO jam digitos exornate, non enim oportet vos perfidum dixisse Sacramentum Minervæ, sed sapientiæ vos Authoratos, dicatos, & sponfatos esse.

In mutuos jam vestros AMPLEXUS ruo, maneat nimirum altâ mente repositum, quod prælectum vobis antea fuerat, pacem & concordiam, cum ad incrementa Reipublicæ literariæ plurimum conferant, literatos inter debere esse perpetuam; siqua tamen sententiarum diversitas oboritur, nefas ducite à sacris moderationis legibus recedere.

Sanguinea exagitent inter se prælia Parthi,
Bella Sophos inter Mars moderatus agat.

Quod igitur Fœlix, Faustumque sit, & ad DEI Triunius gloriam, mundissimæ absque omni nævo Virginis, Sanctorum, Imperii, Ecclesiæ Romano-Catholicæ, Patriæ, Urbis, Universitatis, ac Facultatis medicæ incrementum, in communem Civium Prosperitatem, proximi Emolumentum, in Solatium mihi, in omnigenæ vobis Felicitatis abundantiam cedat, vertaturque.

Concessis huic Universitati Authoritatibus à Summis Imperantibus, sanctâ Sede Apostolicâ, & sacra Cæsarea Majestate, quibus in hoc passu fungor, Ego JOANNES GEORGIUS MENN Philos. & Med. Doctor, Materiæ medicæ ac Chemiæ Professor publicus, ordinarius, Collegii Professorum Medicorum Præses, seu Primarius, h. t. Decanus. Vos Laureæ Doctoralis Candidatos utrumque latus meum stipantes, Te PETRUM WILHELMUM JOSEPHUM DE GINETTI Monasterio-Eiffliacum, Anatomix, & institutionum medicarum Professore publicum, ordinarium, Monasterii in Eiffliâ humanioribus, hic Colonix Philosophiæ præceptis imbutum, porro in Academia Monspeliensi, & Marburgensi, ac demum in hac nostrâ Medicinæ fundamentis instructum, in exercitu Regis Galliarum per 9
F 2
annos

annos Medicum nosocomialem publicum, propugnata differtatione *de alvi fluxibus, & Colicâ pictorum*, superatisque rigidis examinibus per septendecim annos in hac civitate Practicum perspicacissimum. Te JOANNEM WILHELMUM HEIS Agrippinatem, Professore publicum, haustis in Florentissimâ Laurentianorum Gymnade humanioris literaturæ ac Philosophiæ præceptis, Anatomen à versatissimo Dno. Gery exercitûs Gallici Chirurgo, & demonstratore Anatomico edoctum, haustis porro hic Coloniae per 3 annos *me auspice & præceptore* Apollineæ Artis principiis, ventilatis duabus Differtationibus *de Calce vivâ & variis bydropis speciebus*, exantlatis quoque rigidis examinibus, à me ipso Laureâ Doctorali more transeuntis, ut vocant, condecoratum, porro à Perillustri, & præcellente Domino Archiatro & Consiliario intimo *Stephano de Kerich* tentatum, & Archi-Dioeceseos Colonienfis inferioris, urbisque Rhenobercensis Physicum nominatum, Collegiorum medicorum Clarissimi *Leidenfrostii* Professoris Duisburgensis auditorem attentissimum, nec non à Collegio medico Electorali Dusselano approbatum, & legalitate dotatum, tandem hic Coloniae praxi Medica per 12 annos luculentâ Celebrem. Te MATTHIAM JOSEPHUM MEYER Agrippinatem, Medicinæ Professore publicum, ordinarium, qui jactis in Celeberrimo trium Coronarum Gymnasio inferiorum scholarum, & Philosophiæ fundamentis, exceptis in Cæsareo-Regiâ Academiâ Duisburgensi per tres annos Lectionibus publicis ac privatis Medicis ad universitatem Argentinensem migrasti, inibique per annum non Medicas tantum disciplinas, sed & Chirurgiam, artemque obstetriciam edoctus, porro Celeberrimum Viennense Archilycæum accessisti, & præter alias artis salutaris partes Medicinam Clinicam avide, fervidè, & luculento cum fructu per 3 annos audivisti; testes studiorum tuorum interpellare liceat *Leidenfrostium, Schererum* Duisburgenses, *Lobsteinium, Spielmannum Weigenum, Serrinum* Argentoratenses, *Jacquini-um, Crantzium, Hænium, Quarinum, Collinum* Vindobonenses ÆSCULAPIOS; Tandem Coloniam redux superatis rigidis examinibus, & propugnata Differtatione *de Diagnosti & Prognosi Luis veneræ incipientis* more Majorum Medicinæ Licentiatus creatus fuisti. Te FRANCISCUM STEPHANUM SCHUIRMANN Agrippinatem absoluto in Celeberrimâ trium Coronarum Gymnade humanioris literaturæ, & Philosophiæ cursu, & auditis per quadriennium Theologicis Prælectionibus publicis, porro sub meis, aliorumque hujatum Dnorum. Medicinæ Professorum Laudatissimorum auspiciis quarto nunc anno Anatomen, Physiologiam, Materiam medicam, Chemiam

miam, Botanicen, Pathologiam, Chirurgiam edoctum, rigida examina passum, solutoque publicè Aphorismo Hippocratis 81. Lib. IV. jatricæ artis Baccalaureum creatum, dein propugnatâ Dissertatione inaugurali *de signis vitæ & mortis in fœtu*, Licentiatum more majorum denunciatum.

VOS inquam, Te PETRUM WILHELMUM JOSEPHUM DE GINETTI, *Monasterio-Eiffliacum*, Te JOANNEM WILHELMUM HEIS, Te MATTHIAM JOSEPHUM MEYER, Te FRANCISCUM STEPHANUM SCHUIRMANN *Agrippinates*. A. A. L. L. ac Philosophiæ Magistros, Thesis inauguralibus in saluberrimâ Facultate medicâ propugnatis, exantlatisque Examinibus saluberrimæ artis Baccalaureos, ac porro more Majorum Licentiatos, mihi que pro more Facultatis præsentatos, altissimè fatis Authoritatibus, sancta Pontificiâ, & sacrâ Cæsareâ, dico, creo, facio, respectivè recipio ac confirmo more Majorum Medicinæ Doctores, factosque in frequentissimâ virorum omnis ordinis honorandissimorum Coronâ palam pronuncio hic & ubique locorum, quocunque vos pervenire contigerit, censendos, & honorandos, dans vobis potestatem Cathedram superiorem ascendendi, docendi, legendi, disputandi, aliosque actus gradui huic annexos exercendi, Facultatem medicam hanc regendi, munera publica in eâdem amplectendi, privilegia itidem omnia à Summis Pontificibus, Imperatoribus & amplissimo Magistratu huic Facultati gratiosissimè concessa, & indulta impertiens, idque in nomine PATRIS, & FILII, & SPIRITUS SANCTI. Amen.

Primus Ego, quam consecuti modo estis, prærogativam, sincerè, & animatus vobis gratulor, salvete itaque, atque iterum salvete Neo-Doctores Expertissimi, Professores publici, respectivè ordinarii!... Nunc quanquam testes sint speciosissimæ virorum toto orbe famigeratorum sententiæ, testes universitates exteræ, testes hi ipsi parietes, & subsellia, quæ doctis toties concertationibus fecistis resonare, quæ vos acceptis dignissimos honoribus comprobent, testes tamen simul omni exceptione Majores sunt Reverendissimus ac Magnificentissimus Academiæ hujus Rector, Perillustres, Strenui, Amplissimi, consultissimique Domini D. universitatis hujus Provisores, Curatores, respectivè Consules, Proconsules, officio Quæstores, ac quatuor Facultatum Doctores, Professores publici, ac ordinarii, testes denique præsentés omnium ordinum Auditores... Felici auspicio peracta jam sunt omnia. Æquum itaque est, ut iis, qui nobis posse dederunt, pro concessis his gratiis, ac favoribus nos memores, gratosque testificemur.

G R A T I A R U M A C T I O.

Primicias Tu Tibi vendicas ALTISSIME! Tu enim animale, vegetabile ac minerale Regnum profusissimâ quodammodo Medicaminum Luxurie fœcundasti; Tu felli isti, hepaticque piscis Tobiae applicandis Balsamum salutare indidisti, Tu vires herbis infudisti, Tu mineras mirificâ agendi virtute animasti, Tu etiam Medicum propter necessitatem Omnipotentî dextrâ tuâ creasti, Tu quam in naturâ ubique elucescere fecisti harmoniam, eam cognoscendam, applicandamque in scientiis naturalibus indicasti. Largire ô Custos hominum! ut simus ii, quales nos esse vis, jubes, ut tanto supponamus oneri lacertos, ut in morbos & mortem pugnemus, fecisti potestatem, dabis copiam, facies tuo honori, & mortalium salutem, nostrisque curis successum, tua est virtus, tua est victoria, tua est gloria, vis, ut vitam ponamus pro amicis naturâ & magis voluntate tua nobis conjunctis, mundi inquam civibus, dabis Amorem heroicum, ut contemptis, quæ in hoc anticipati munere se offerunt periculis, Victimæ charitatis existamus, donec in ejus operibus ipsi morte oppressi, tuum, ut cæteri, augeamus Triumphum. Pro bonis tantis, omnibusque beneficiis, præprimis vero, quod nostrum in solatium hanc illuxisse diem feceris, debitas rependimus grates, supplices precamur:

Dirige sic mentes, nostros ita verte labores,
Publica ut inde salus crescat, honorque tuus.

Proximum à Creatore locum tenes DEI MATER sanctissima, natalibus, ac divinis dotibus totum humanum genus, Angelorumque Choros supergressa, Regina potentissima, Virgo immaculata, benedicta inter mulieres, quæ genuisti Naturâ mirante tuum sanctum Genitorem! Mater quoque hominum amantissima, quæ in nato JESULO nascendorum totam seriem intuens totius generis humani, & illorum præcipue tenellulorum, quos primævæ vinculum culpæ tenet, Auxiliatrix gaudes invocari; adsis illis verè Philantropis, qui salutaribus sese curis dedicant, ut misellos illos, uti corporali, ita spiritali fervent vitæ; aspira Tu certa salus infirmorum omnibus, qui ad lectos ægrorum pro proximi vitâ ipsi sæpe suam exponunt, tuæ tutelæ corpus & animam committimus, tua imploramus Patrocinia, ut post hoc exilium ventris tui fructum JESUM nobis ostendas.

Divos

DIVOS VOS, ANGELUM RAPHAËLEM, qui es Medicina Dei, S.S. LUCAM, PANTALEONEM, S.S. COSMAM & DAMIANUM, Medicinæ in Coelis Antistites, Geniosque Tutelares venerabundi colimus, efficacissimum Patrocinium, auxiliumque humillimè petentes.

Vos quoque singulari hodie devotione prosequimur pientissimi Fundatorum, & Antecessorum nostrorum Cineres, urnas vestras Celeb. *Stapedi*, *Holzemi*, Cl. *Donckers*, Cl. *Sanzey*, Cl. *Thour*, Cl. *Træster*, sex ejusdem Familiæ & Nominis *Engels* quâ par est, Religione accedimus, sique turbare vos videmur, nostræ ignoscite pietati, nefas enim ducimus, tam festam hîc celebrare solennitatem, quin vos clementissimos harum Ædium, studiique Parentes, Statores, atque Fundatores intactos relinqueremus.

Semper vester honos, nomen, laudesque manebunt,
Dum sua stat Musis gloria, dum stat honos.

Ad vivos tandem, quorum beneficio nobis contigit adeo beatos esse, festiva hæc gratiarum actio convertitur, ad Te inprimis Reverendissime, Perillustri, Eximie D. JOANNES GODEFRIDE KAUFFMANN, Ss. Theologiæ Doctor de Concilio, Professor publice & ord., Reverendissimi & Eminentissimi Archiepiscopi & Principis Electoris Colonienfis, ejusdemque Curiae Archiepiscopalis Sigillifer major, Examiner Synodalis, & Librorum Cenfor, Perillustrium Collegiatarum Ecclesiarum Ss. Gereonis & Sociorum Martyrum, & B. M. V. in Capitolio Canonice Capitularis, almæ hujus Universitatis ac generalis Studii Colonienfis Rector perquam Magnifice, Judex ordinarie, Juriumque ac Privilegiorum Conservator à sancta Sede Apostolica specialiter Deputate, Domine colendissime!

Sæpius & diversissimis in Casibus Fiscalibus percepisti subsidium, & emolumentum, quod tum in Theologicis, tum in causis ecclesiasticis à Medicinâ desiderabas, ipse fernet optasti, ut à Medicis suppeditarentur, & facilitarentur media, queis animæ foetuum nondum natorum salvari possent; votis Tuis per neo-inauguratos Dominos Medicinæ Doctores satisfactum arbitror; utere itaque hisce laboribus nostris, & legibus in Archidiecepsi Colonienfi stabiliendis, id efficias, ne unquam gravida defuncta cum foetu forsan vivo, & quod plus est, non baptizato sepeliatur. Tibi inquam, tum pro communibus, quibus quidquid ad Universitatis hujus incrementum

mentum & concordiam spectat, sapientissime instruis, curis, tum etiam pro singulari tua erga nos benevolentia, quâ actum hunc nostrum condecorare non dedignabaris, sempiternas agimus grates, ex Amplissimis Hygieines Regnis Laurum tantummodo ceu nostræ gratitudinis tesseram Tibi submissè offerimus, huic vero utpote non morituræ vota nostra ne & hæc possint marcescere, inscribimus:

Tessera sit Laurus, sit nostri Bajula voti
Vota, velut Laurus, nescia finis erunt.

Perillustres, Strenui, Amplissimi, Prudentissimique Viri ac Domini,

D. JOANNES ARNOLDE THEODORE DE STATTLORN,

D. JOANNES NICOLAE FERDINANDE JOSEPHE DE KERICH.

Liberæ Imperialis hujus Civitatis ac Reipublicæ Colonienfis Consules pro tempore Regentes, almæque Universitatis nostræ Proviores, Domini perquam Gratiofi, Fautores & Patroni observandissimi!

Perillustres, Strenui, Amplissimi, Prudentissimique Viri ac Domini,

D. FRANCISCE CASPAR JOSEPHE DE HERRESDORFF.

D. JOANNES FRIDERICE FRANCISCE DE BEYWEGH.

D. MARIA FRANCISCE JACOB GABRIEL DE GROOTE.

D. MELCHIOR DIETMARE DE WITTGENSTEIN.

Liberæ Imperialis hujus Civitatis ac Reipublicæ Consules, pro tempore Officio Quæstores & Pro-Consules, almæque Universitatis nostræ respectivè Proviores perquam Gratiofi, Domini Fautores, & Patroni colendissimi!

Arctissimum diximus esse inter Mathesin, Historiam naturalem, Jurisprudentiam ac Theologiam cum Medicina vinculum, & indissolubile commercium, artem itaque salutarem, ut omni conatu promoveatis, ac fulciatis, utilitas publica, & necessitas postulat, liceat nobis hodie vestris offerre curis nascentium æque ac illorum, quos improvisus casus submersit undis, aut aliter è vivis aufert Civium vitam temporalem, ac salutem sempiternam, potestis enim legibus publicis saluberrimè stabiliendis homunciones hos eorumque saltem animas cœlestibus deliciis conservare, potestis cives illos infelici fato sublato reipublicæ reddere. Gratissimi coram frequenti, & splendidâ hâc Concione agnoscimus, nos
maxi-

maximis nominibus Vobis obstrictos esse, hoc palam profiteri æquum est, & pietas jubet. Pro singulari illâ, quâ hunc actum præsentis illustrare dignati estis, gratiâ, sincerum nostrum erga Vos obsequium, gratissimum ac devotum obtestamur animum, benevolentissimum illud erga artem Medicam Patrocinium omni studio demereri, Vestrasque gratias nobis obfirmare omni ope adnifuri, Vobis supra reliquos mortales devinctissimi in hac Palladis æde votivas æternæ gratitudinis suspendimus tabulas, atque DEUM immortalem pro Vestra, Vestrorumque salute perenni veneramur, ut rebus, Patriæ & Academiæ diu incolumes, lætique præstis, ut eximiis illis, ac verè Regiis, quæ fulgetis animi dotibus, ac virtutibus diù sospitetur Respublica, Vestrisque, Vestrorumque sub auspiciis Nepotum per sæculorum longam seriem felicissimè floreat.

Rme., Plurimum Rdi., Eximii, Sapientissimi Sstæ. Theologiæ Doctores, ac Professores publici ordinarii, diversarum Ecclesiarum Collegiatarum Canonici Capitulares, ac respective Pastores, diversorum Ordinum Superiores, ac Religiosi Patres!

Dudum desiderabatis, quod demonstrârunt Neo-Inaugurati Doctores nostri; ad servandas ergo & sanctificandas saltem nascentium animas laboribus his nostris curas Vestras superstruite. Si plura postulatis, suppeditabit ea omnia Doctissimus *Franciscus Emanuel Cangiamila* in libro suo, cui Titulus *Embryologia sacra*; aureo hoc opere probavit se Theologum Profundissimum & Zelotissimum. Animet Vos fervor vester, vestrisque excitentur, aut monitis, aut exemplis Parochi præsertim rurales, ut optimè sibi & suis provideant, ut nihil negligant, quod ad salutem infelicitum præsertim in casibus id genus improvisis aut scire, aut facere jubet charitas & officium; perpendite quod arbitratur *Petrus Diacon. apud Gregor. M. L. 4. Cap. 7.* Hierusalem cælestis maximam partem ex parvulis vel infantibus posse compleri. Superest, ut pro Benevolâ vestra in hoc actu assistentiâ profundissimam animi gratitudinem Vobis jam publicè contestemur.

Rmi., Perillustres, Pl. Rdi., Consultissimi, Clavissimi, Dni. Juris utriusque Doctores, Professores publici, ordinarii, diversarum Ecclesiarum Collegiatarum, & respective Perillustrium Canonici Capitulares, & qui Senatui Urbico à Consiliis estis, Viri Gravissimi!

Non pigeat vos ex demonstratis intellexisse suppetias, quas Ars nostra uni-

verso Juridicundo affert; tales sunt, quales ipse Divus Justinianus postulavit à Medicis, quæis & moderna Themis nunquam carebit tutò; dolemus verò, quod apparatus illi salutare, quæis vicini Principes & Magistratus tum nascentium, tum submerforum, tum aliorum infelicium periculo succurri volunt, in Urbe nostrà per varios Jurisdictionum conflictus effectu suo, & ultro oblatis sæpè nostris auxiliis frustrentur; utinam saltem in hoc passu Humanitas sibi plus, quàm Authoritas & Consuetudo Juris vindicaret! Vos Viri Clarissimi efficaci voluntate jus dare cuique suum studetis, Vestro discamus exemplo vobis pro eà Benevolentia, qua hunc actum præsentis condecorare voluistis, grates profusissimas persolvere.

Ad Vos modò perveni COLLEGÆ AMANTISSIMI, *Expertissimi, Celeberrimi Viri*, Teque cumprimis in hoc summorum Virorum Confessu compellare mihi liceat Vir Perillustris, Præcellens, Senior nostrum STEPHANE DE KERICH! utpote, quem Eminentissimo Principi Electori Archi-Episcopo Colonienfi MAXIMILIANO FRIDERICO, Archiatrum, Consiliarium intimum, & amicum dedisse hujas nostra Facultas gaudet, & memori semper anathemate conservabit.

Vos quoque Neo-Promoti hucusque laborum academicorum socii!

Hippocrati nostro honores ab Hercule secundos, victum in prytaneo cum posteris, statuam æneam viventi detulerunt Athenæ; idem nostris adhuc temporibus salutifero Boerhavi Genio à Republicâ Leydensi, idem Medicinæ in Austriâ Restauratori Swietenio ab Augustissimis collatus honos: id Genus nos præmia tamdiù nequicquam expectabimus, quàm hîc nondum Athenæ sunt; verùm sustineamus patientes Musas in hoc suo secessu, adhuc amicas tamen; pro honore, pro salute Urbis & Academiæ patriæ, ac pro egregiè factorum conscientia pateat per nos Apollinis Templum; eveniat piis votis, & quod spero, saltem vivant posteris, ut impletam lætentur spem, quam fideliter concepimus de studio Medico in Urbe tam opportunâ promovendo; auctam restauratamque quodammodo videmus in Neo-Promotis Dnis. nostram Facultatem, novos videmus Atlantes datos Academiæ & Reipublicæ; hoc successus melioris auspiciū esto.... Suscipite jam ò Viri integerrimi! pro eo, quem hodie conspectus vester jucundissimus nobis præstat, honore à me, & à Neo-Collegis amicissimum, quod offerunt, foedus, & grates absolutissimas; in id incumbant illi semper, quovis ut obse-

obsequio Vestrum favorem, Vestramque amicitiam demereantur; favete illis, & valete diu, meritis beati.

Tu demum *Artium Facultas inclyta, Viri Pl. Rdi., Subtilissimi, Doctissimi diversarum quoque Ecclesiarum Canonici, Professores solertissimi, de publicis Gymnasiis benè merentes.*

O! qui sacrata Musis altioribus pectora præparare debetis, penes vos est præstabilire illam inter scientias, & artes ingenuas Harmoniam, prælibanda dare juventuti quæcunque ea adminicula, quæ in aditu superiorum Disciplinarum desiderantur; itaque Geometricis saltem, sanæque Physices imbutos principiis nobis alumnos tradite, qui suscipiant sacrum Apollinis Sacerdotium; bonorum exemplo convertantur illi, qui adeo à Mathematicis, & bonæ Physicæ fundamentis revocant capaces animos, & acquiescunt, si cassis tantum sonis circum claustra fremere discant discipuli, clavem solidæ scientiæ nunquam inventuri. Profectò, dum non uni, sed omnibus utilem gravioribus disciplinis ac Ministræ accommodabitis Philosophiam, proderit tamen singulis; hoc est, quod requirunt alibi, quod & hic jam efficacius optabunt mecum Facultates cæteræ, postquam nexum illum, qui Theologicas, Juridicas, Mathematicas, ac Naturales Disciplinas eum nostrâ intercedit, tam arctum, & adjumenta, quæ ab invicem petunt scientiæ, tam necessaria intellexerint. Vestrâ quod interim Præsentia hunc solennem nobis actum honestaturi conveneritis, Viri optimi! grates ego, grates agunt Neo-Inaugurati, votis aliquando melioribus Vobis gratificaturi.

Et Vobis nos gratabundos confiteri fas est, *Auditores O. O. Spectatissimi*, qui splendidiorē nobis hanc Aulam fecistis, & Neo-Promotorum ampliastis Triumphum; juvat Facultatem hic nostram, floremque & famam antiquissimæ Academiæ Vobis palam commendare.

Adhuc Tu mihi superes, *florentissima Juventutis Academicæ Corona*, vosque inter cæteros, qui ad Æsculapii Sacerdotium aspirantes in Divæ Salutis adyta penetrare audetis, Adolescentes lectissimi! Vos inquam nobis carissima semper Pectora, quibus in solenni hoc actu se quoque mecum consecratos agnoscunt Neo-Inaugurati Dni, Præceptores vestri; credite, unice nobis in votis erit vestris com-
modis

modis inservire, & optima quæque quæ aut Antecessorum docta informatio, aut labor assiduus, vel plurium denique annorum luculenta praxis clinica suggessit, aut imposterum suppeditaverit, sincerè vobis, & candidè impertiri; venite tantum instructi debitis adjumentis, Naturæ nimirum sacris rite initiati, Matheeseos erudito pulvere conspersi, & quod caput est, cum innatâ quâdam sciendi,

& observandi cupidine. . . Tales expectat Tyrones Apollo, tales

aspirat Universitas, pro cujus Felicitate jam adhuc

REGI REGUM litaturi solennes hos

parietes egrediamur.

